

楞嚴經疏解蒙鈔

卷一
下

C40
4514
(26)



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

C40-4(74)

丁卯上座請太歲公百
家書置武定崇山
我微笑拂院庭梅中水
為學者天取許出院內
嘗山三世鑑十機謹識



B 64853

首楞嚴經疏解蒙鈔卷末五錄

卷六

海印弟子蒙叟錢謙益集

佛頂宗錄第五

垂示宗旨下

已下五燈諸宗

黃檗和上示裴公美云。此心無始已來。不曾生。不曾滅。不青不黃。無形無相。不屬有無。不計新舊。非長非短。非大非小。超過一切限量名言。蹤跡對待。唯此一心。即是佛。佛與衆生。更無別異。但是衆生著相外求。求之轉失。使佛覓佛。將心捉心。窮劫盡形。終不能得。

不如息心忘慮。佛自現前。此心明淨。猶如虛空。舉心動念。卽爲著相。無始以來。無著相佛。修六度萬行。欲求成佛。卽是次第。無始以來。無次第佛。佛與衆生。一心無異。猶如虛空。無雜無壞。如大日輪。照四天下。日升之時。明徧天下。虛空不會。明日沒之時。暗徧天下。虛空不會。暗明暗之境。自相陵奪。虛空之性。廓然不變。佛及衆生。心亦如此。若觀佛作清淨光明解脫。相觀衆生作垢濁暗昧生死相作。此解者。歷河沙劫。終不得菩提。爲著相故。恒河沙者。佛說是沙。諸佛菩薩。釋梵諸天。步履而過。沙亦不喜。牛羊蟲蟻。踐踏而行。

沙亦不怒。珍寶馨香。沙亦不貪。糞尿臭穢。沙亦不惡。此心卽無心之心。離一切相。學道人若不直下無心。累劫修行。被三乘功行拘繫。不得解脫。然證此心有遲疾。有聞法一念。便得無心者。有至十信乃至十地。乃得無心者。長短得無心乃住。更無可修可證。實無所得。真實不虛。一念而得。與十地而得功用恰齊。更無深淺。祇是歷劫枉受辛勤耳。○學道人莫疑。四大爲身。四大無我。我亦無主。故知此身無我亦無主。五陰爲心。五陰無我。我亦無主。故知此心無我亦無主。六根六塵六識。和合生滅。亦復如是。十八界旣空。一切

皆空唯有本心。蕩然清淨。有識食。有智食。四大之身。食瘡爲患。隨順給養。不生貪著。謂之智食。恣情取味。妄生分別。唯求適口。不生厭離。謂之識食。聲聞者。不了自心。於聲教上起解。或因神通。或因瑞相。言語運動。聞有菩提涅槃三僧祇劫。修成佛道。謂之聲聞佛。直下頓了自心。本來是佛。此是真如佛。八萬四千法門。對八萬四千煩惱。祇是教化接引門。本無一切法離。卽是法。知離者是佛。但離一切煩惱。是無法可得。○問學人。不會和尚如何指示。師云。我無一物。從來不將一物與人。你無始已來。祇爲被人指下。覓契覓

會。可不是弟子與師俱遭王難。你但知一念不受。卽是無受身。一念不想。卽是無想身。決定不遷流造作。卽是無行身。莫思量。卜度。分。明。卽是無識身。汝如今纔別起一念。卽入十二因緣。無明緣行。亦因亦果。乃至老死。亦因亦果。善財童子。一百一十處求善知識。祇向十二因緣中求。最後見彌勒。彌勒却指見文殊。文殊者。卽汝本地無明。若心心別異。向外求善知識。一念纔生。卽滅。纔滅。卽生。所以汝等比丘。亦生亦老。亦病亦死。酬因答果已來。卽五聚之生滅。五聚者。五陰也。一念不起。卽十八界空。卽身便是菩提華果。卽

心便是靈智。亦云靈臺。若有所住著。卽身爲死屍。亦云守屍鬼。○問聲聞藏形於三界。不能藏於菩提。如何。師曰。形者質也。聲聞人能斷三界見思。已離煩惱。不能藏形於菩提。故還被魔王於菩提中捉得。於林中宴坐。還成微細想菩提心也。菩薩人已於三界菩提決定。不捨不取。不取故七大中見他不得不捨。故外魔亦見他不得。汝但擬著一法印子早成也。印著有卽六道。四生文出。印著空。卽空界無想文現。但知決定不印。一切物此印與虛空不一。不異。虛空不空。本印不有。見十方虛空世界諸佛出世。如電一種。觀

一切蠢動如響一種。千經萬論。只說汝一心。一切法不生不滅。卽是大涅槃果。○問本既是佛。那得更有四生六道。種種不同。曰。諸佛體圓。更無增減。流入六道處處皆圓。萬類之中。个个是佛。如一團水銀分散。諸處顆顆皆圓。若不分時。祇是一塊種種形貌。喻如屋舍。捨驢屋。入人屋。捨人身。至天身。乃至聲聞緣覺菩薩佛屋。皆是汝取捨處。本源之性。何得有別。○問祇如目前虛空。豈不是境。豈無指境見心。答。甚麼心向境上見。設爾得見。元來祇是照境心。如人以鏡照面。縱得眉目分明。祇是影像。何關汝事。問。若不因照。

80 1 2 3 4 5 6 7 8 9 100 1 2 3 4 5 6 7 8 9 100

如何得見答。若涉因常須假物。有甚麼了時。汝不見道。撒手似君無一物。徒勞謾語數千般。○云。如今現有種種妄念。何以言無師云。妄本無體。即是汝心所起。汝若識心是佛。心本無妄。那得起心更認於妄。汝若不生心動念。自然無妄。所以云。心生則種種法生。心滅則種種法滅。云。今正妄念起時。佛在何處。師云。汝今覺妄起時。覺正是佛可中。若無妄念佛亦無爲。汝起心作佛見。便謂有佛可成。起心作衆生見。便謂有衆生可度。若無一切見。佛有何處所。如文殊才起佛見法見。便貶向二鈍圍山。云。今正悟時。佛在何處。

師云。從何來覺。從何起語。默動靜。一切聲色盡是佛事。何處覓佛。不可更頭上安頭。嘴上加嘴。又云。世人祇認見聞。覺知爲心。爲見聞。覺知所覆。所以不覩。精明本體空却。見聞。覺知。卽心路絕無入處。但於見聞。覺知處。認本心。莫於見聞。覺知上。起見解。亦莫於見聞。覺知上。動念。亦莫離見聞。覺知覓心。亦莫捨見聞。覺知取法。○佛真法身。猶如虛空。常人謂法身徧虛空處。虛空中含容法身。不知法身卽虛空。虛空卽法身也。若定言有虛空。虛空不是法身。若定言有法身。法身不是虛空。但莫作虛空解。虛空卽法身。莫作

0 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

法身解。法身卽虛空。虛空法身無異相。佛衆生無異相。生死涅槃無異相。煩惱菩提無異相。凡夫取境道人取心。心境雙忘。乃是真法。○問。如何是見性。云。性卽是見。見卽是性。不可以性更見性。聞卽是性。不可以性更聞性。他分明道所可見者不可更見。你云何頭上更著頭。他分明道如盤中散珠。大者大圓。小者小圓。各各不相知。各各不相礙。起時不言我起滅。時不言我滅。所以四生六道。未有不如時。且衆生不見佛。佛不見衆生。四果不見四向。四向不見四果。三賢十聖不見等妙二覺。等妙二覺不見三賢十聖。乃至

水不見火。火不見水。地不見風。風不見地。衆生不入法界。佛不出法界。所以法性無去來。無能所見。因什麼道我見我聞。故曰實相。如是豈可說乎。又汝妄生異見。言隔物不見無物。言見便謂性有隔礙者。全無交涉性。且非見非不見。法亦非見非不見。若見性人。何處不是我之本性。所以四生六道。山河大地。總是。我性淨明體。故云見色便見心。色心不異。故祇爲取相。作見聞覺知去却前物。始擬得見。卽墮二乘人中。依通見解也。虛空中近則見。遠則不見。此是外道。中收。○問。佛窮得無明。不師云。無明。卽是一切諸佛得。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

道之處。云無明者爲明爲暗。師云。非明非暗。明暗是代謝之法。無明且不明。亦不暗。不明。祇是本明。不明不暗。祇者一句子。亂却天下人眼。所以道假使滿世間。皆如舍利弗。盡思共度量。不能測佛智。你如今把什麼本領擬學他。云。既是學不得。爲什麼道歸源性。無二方便。有多門。師云。歸源性無二者。無明實性。即諸佛性。證道歌無明實性即佛性。方便有多門者。聲聞人見無明生見。無明滅緣覺人。但見無明滅。不見無明生念念證寂滅。諸佛見諸衆生。終日生而無生。終日滅而無滅。無生無滅。卽大乘果。所以道果滿菩提圓花開世。

界起。○爲有貪瞋癡。卽立戒定慧。本無煩惱。焉有菩提祖師云。佛說一切法爲度。一切心我無一切心。何用一切法。本源清淨。佛上更不著一物。譬如虛空。雖以無量珍寶莊嚴。終不能住。佛性同虛空。雖以無量功德莊嚴。終不能住。但迷本性。轉不見耳。○六和合者。六根也。六根各與塵合。眼與色合。耳與聲合。鼻與香合。舌與味合。身與觸合。意與法合。中間生六識。爲十八界。若了十八界。無所有。束六和合爲一精明。一精明者。一心也。○法無凡聖。亦無沉寂。法本不有。莫作無見。法本不無。莫作有見。有之與無。盡是情見。猶

如幻翳所以云見聞如幻翳知覺乃衆生。○銷我億劫顛倒想不歷僧祇獲法身。若以三無數劫修行有所證得者盡恒沙劫不得。若於一剎那中獲得法身直了見性猶是三乘教之極談也。何以故以見法身可獲故皆屬不了義教中收。○若是上根人何處更就他覓他自己尚不可得。何況更別有法當情。不見教中云法法何狀。○問文殊執劍於瞿曇者如何師云五百菩薩得宿命智見過去生業障五百者卽你五陰身是以見此宿障故求佛求涅槃文殊將智解劍害此有見佛心故故言你善害云何是劍師云解

心是劍云解心既是劍斷此有見佛心祇如此斷見心如何除得師云還將你無分別智斷此有見分別心云如作有見有求佛心將無分別智劍斷爭奈有智劍在何師云若無分別智害有見無見無分別智亦不可得云不可以智更斷智不可以劍更斷劍師云劍自害劍劍劍相害卽劍亦不可得智自害智智智相害卽智亦不可得母子俱喪亦復如是○以身空故名法空以心空故名性空身心總空故名法性空乃至千途異說皆不離你本心如今說菩提涅槃真如佛性二乘菩薩者爲指葉爲黃金拳掌之說若

也。展手之時。一切大衆。若人。若天。皆見掌中都無一物。所以道。本來無一物。何處有塵埃。本旣無物。三際本無所有。故○所以道。天下忘已者有幾人。如今於一機一境。一經一教。一世一時。一名一字。六根門頭領得。與機關木人何別。忽有一人。不於一名一相上作解者。我道盡十方世界。覓者個人。不可得以無第二人。故繼於祖位。○豈不見阿難問迦葉云。世尊傳金襴外別傳何物。迦葉召阿難阿難應諾。迦葉云。倒却門前利竿著。此祖師之標榜也。甚生阿難三十年爲侍者。底爲多聞智慧。被佛訶云。汝千日學慧不如

一日學道

大安和尚云。汝各自身中。有無價大寶。從眼門放光。照破山河大地。耳門放光。領覽一切善惡音聲。六門晝夜常放光明。亦名放光三昧。汝自不識。在四大身中。內外扶持。不教傾側。兩脚牙子。大擔得石。二擔從獨木橋上過。亦不教伊倒地。且是什麼。汝若覓毫髮。卽不可見。故誌公云。內外推尋覓總無。境上施爲渾大有。

趙州上堂云。金佛不度爐。木師不度火。泥佛不度水。真佛內裏坐。菩提涅槃。真如佛性。盡是貼體衣服。亦

佛頂宗密記卷之六

九

名煩惱。實際理地甚麼處著。一心不生。萬法無咎。千人萬人盡是覓佛漢子。於中覓一个道人。無若與空王爲弟子。莫教心病最難醫。未有世界早有此性。世界壞時。此性不壞。一從見老僧後。更不是別人。祇是個主人公者。个更向外覓作麼。與恁麼時。莫轉頭換面。卽失却也。○問。狗子還有佛性也無。州云。無。云上至諸佛下。至蠻蠻。皆有佛性。狗子爲甚麼無。州云。爲伊有業識性在。又僧問。狗子還有佛性也無。州云。有云。旣有。爲甚入者皮袋裏來。州云。知而故犯。○趙州上堂。如明珠在掌。胡來胡現。漢來漢現。圓照老僧把法界。

法界

一枝草爲丈六金身用。把丈六金身爲一枝草用。中小現大大佛是煩惱。煩惱是佛。不用滅塵合覺僧問佛是誰家煩惱。州云。與一切人爲煩惱。曰。如何免得。州云。用免作麼。

長沙岑和尚示衆。盡十方世界。是沙門一隻眼。盡十方世界。是沙門全身。盡十方世界。是自己光明。盡十方世界。在自己光明裏。盡十方世界。無一人不是自己。我常向汝諸人道。三世諸佛。共盡法界。衆生是摩訶般若光。光未發時。汝等諸人。向甚麼處。委悉光未發時。尚無佛無衆。生消息。何處得山河國土來。○問。

如何是文殊師曰。墻壁瓦礫是如何是觀音。曰。音聲語言是如何是普賢。曰。衆生心是如何是佛。曰。衆生色身是。問。河沙諸佛體皆同如何。故有種種名字。師曰。從眼根返源名文殊。耳根返源名觀音。從心返源名普賢。文殊是佛妙觀察智。觀音是佛無緣大悲。普賢是佛無爲妙行。三聖是佛之妙用。佛是三聖之真體。用則有河沙假名。體則總名一薄伽梵。○華嚴座主問。虛空爲是定有。爲定無。師曰。言有亦得。言無亦得。虛空有時。但有假有。虛空無時。但無假無。曰。和尚所說有何教。文師曰。首楞嚴云。十方虛空。生汝心內。

猶如片雲點太清裏。豈不是虛空生時。但生假名。又云。一人發真歸元。十方虛空悉皆消殞。豈不是虛空滅時。但滅假名。所以道有是假有。無是假無。○示衆。若心是生。則夢幻空花亦應是生。若身是生。則山河大地萬象森羅亦應是生。覺範岑大蟲贊曰。如來語。諸幻化相當處出生。隨處滅盡。幻妄稱相。其性真爲妙覺明體。龍勝曰。諸法不自生。亦不從他生。不共不無。因是故說無生。以佛祖之辨談心法之妙。其清淨顯露。如掌中見物。無可疑者。而末世衆生。卒不明了。蓋其迷妄之性。非其所聞之習故也。禪師閑之。故於所知之境譬之。曰。若心是生。云云。大哉言乎。與首楞嚴中觀論。相終始也。○問。經云。如淨琉璃。中內現真金像。如何。師曰。以淨琉璃爲法界體。以真金像爲無漏智體。體

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

能生智智能達體故云如淨琉璃中內現真金像。
子湖蹤示衆聲色兩字作麼生討得。若了根源終非
他物譬如圓鏡男來男現女來女現乃至僧俗青黃
山河萬物隨其色相一鏡傳輝不可是鏡有多般但
能映物而露仁者還識得鏡未若不識鏡盡被男女
青黃山河類等礙汝光明有甚麼出氣處若識鏡去
乃至青黃男女天地山河有想無想四足多足胎卵
情生天堂地獄咸於一鏡中得其分劑長短劫數若
色若空並能了之更非他物問如何是大圓鏡云一
切物著不得問爲甚麼一切物著不得師云汝是一
切物還著得汝不○本自具足本自周備直教無纖
塵法礙你眼光始得若有微塵底不盡不是一生半
劫賺汝皮囊汝性命根境法中造諸妖怪山精鬼魅
附汝行持得少爲足鼓弄片皮於佛法却爲毒害譏
禮塔廟毀彼持經師子身中蟲自食師子身中肉○
祖師西來也只个冬寒夏熱夜暗日明只爲你無意
立意無事立事無内外強作内外無東西謾說東西
所以奢摩不能明了以至根境不能自由僧問如何
不被諸境惑去師云你試點惑你境出看進云某甲
不見師云你旣不見惑境何來僧禮拜師云又見妄

80

90

100

110

想去也。

千項和尚云。一切衆生。驢驥象馬。蜈蚣蚰蜒。十惡五道。無明妄念。貪瞋不了之法。並從如來藏中顯現。本來是佛。衆生從無始劫來。曾起一念。從此奔流迄至今日。佛出世來。令滅意根。絕諸分別。一念相應。便超正覺。豈用多知多解。擾亂身心。菩提光明。不得發現。學人問。和尚夜後無燈時。如何。師曰。悟道之人。常光現前。有甚麼晝夜。問。何不見和尚光。師曰。擬將什麼眼見。云。世人同將現在眼見。師彈指曰。苦哉。一切衆生。根塵相涉。從無始來。認賊爲子。至於今日。常被枷鎖。汝將眼見意識分別。僨求佛道。即是背却本心。逐念流轉。如此之人。對面隔越。

大隋照師上堂。三千世界收在一微塵。四大海水歸一滴。須彌納芥子中。若求自己。祇在一毫毛。你若一毫毛處。見得三千大千。總成經卷。祇是自己動者。个境界。不得。所以真境不現。說什麼纖毫覺處。總是棍刀。避箭懼鏡。藏形。你喚者个性麼。兄弟。如石壓草相似。或然撫却石。依舊習氣。祇在須是隨處了却。始得。與境爲主。免塵境使喚。始得。大難大難。千難萬難。祇是殼解他後。啣鍤負鞍。阿誰苦。

靈雲勤師云諸仁者所有長短盡在不常且觀四時草木葉落花開何況塵劫來天人七趣地水火風成壞輪轉因果將盡三惡道苦毛髮不會添減唯根蒂神識常存上根者遇善友伸明當處解脫便是道場中下癡愚不能覺照沉迷三界流轉生死釋尊爲伊天上人間設教證明顯發至道汝等還會麼僧問如何得出離生老病死雲曰青山元不動浮雲自去來鏡清問靈雲混沌未分時含生何來雲曰如露柱懷胎曰分後如何雲曰如片雲點太清裏曰祇如太清還受點也無雲不答清曰恁麼則含生不來也雲亦不答曰直得純清絕點時如何雲曰猶是真常流注曰如何是真常流注雲曰似鏡常明曰向上更有事也無雲曰有曰如何是向上事雲曰打破鏡來與子相見萬松云楞嚴道如急流水望爲恬靜流急不見非爲無流靈雲喚作真常流注圓覺道潛續如命爲壽者相諸方謂之命根不斷一條紅線掌中牽分未分點未點是衲僧家常茶飯最好是打破鏡的時節命根斷處妄識銷鎔流注乾枯正恁麼時向何處與靈雲相見天地黯黑如一鉢墨相似喚作衲僧奪胎換骨轉身一路吹殘劫盡灰飛後突出虛空未兆前楞伽第一佛言諸識有二種生謂流注生及相生有二種滅謂流注滅及相滅古注云流注唯目第八識到金剛定等覺一念斷本無明名流注滅思空山本淨禪師語京城諸太德云汝莫執心此心皆因前塵而有如鏡中像無體可得若執實有者則

失本原。常無自性圓覺經云。妄認四大爲自身相。六塵緣影爲自心相。楞伽經云。不了心及緣。則生二妄。想了心及境界。妄想則不生。維摩經云。法非見聞覺知。且引三經證斯真實。

長慶獻上堂。彌勒朝入伽藍暮成正覺。說偈曰。三界上下法我說。皆是心離於諸心法。更無有可得。看他恁麼道也。太煞惺惺。若比吾徒。猶是鈍漢。所以一念見道。三世情盡。如印印泥。更無前後生死事。大快須薦取。莫爲等閒業識。茫茫蓋爲迷已逐物。

爲山和尚上堂。從上諸聖祇說濁邊過患。若無如許惡覺情。見想習之事。譬如秋水澄渟。清淨無爲。澄渟無礙。喚他作道人。亦名無事人。問頓悟之人。更有修不。師曰。若真悟得本。他自知時修與不修。是兩頭語。如今初心。雖從緣得。一念頓悟。自理猶有無始曠劫。習氣未能頓淨。須教淨除。現業流識。即是修也。不可別有法。教渠修行趣向。從聞入理。聞理深妙。心自圓明。不居惑地。縱有百千妙義。抑揚當時。此乃得坐披衣。自解作活計。始得。○爲山謂仰山曰。吾以鏡智爲宗。出三種生。所謂想生。相生。流注生。楞嚴經云。想相爲塵。識情爲垢。二俱遠離。卽汝法眼應時清明。云何

不成無上知覺。想生卽能思之心雜亂相生。卽所思之心歷然微細流注。俱爲塵垢。若能淨盡方得自在。○問僧汝甚處人曰幽州人。師曰汝還思彼處不曰常思。師曰能思者是心。所思者是境。彼處樓臺林苑人馬駢闐。你返思的還有許多般也。無曰某甲到者裏總不見有。師曰汝解猶在心信位。卽得人位未在○仰山於僧堂前三昧次中夜忽然不見山河大地。寺宇人物以至已身。全同空界。明晨舉似大鴻鴻曰我在百丈時得此境。是融通妄想銷明之功。汝向後說法有人過汝。無有是處。萬松道非仰不證。非鴻不識。楞嚴經云。若動念盡妄契佛心也。○仰山一日呈解云。若教某自看到者裏無圓位。亦無可斷。鴻曰據汝見處。猶是法在亦未離心境。仰曰旣無圓位。何處更有心境。鴻曰適來汝作恁麼解。是不。仰云是鴻云。若恁麼具足。是心境法。爭得道無許。汝信位顯人位隱。在此勘驗。方知從真妙圓重發真妙。眞信與解路迥然縣隔。鴻山謂仰山。寂子速道。莫入陰界。仰云慧寂信亦不立。鴻云子信了不立。不信不立。仰云只是慧寂更信阿誰。鴻云若恁麼。則是定性聲聞也。仰云慧寂佛亦不見。一作○鴻山一日索門

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

人呈語乃曰聲色外與吾相見仰山凡三度呈語曰如兩面鏡相照於中無像鴻曰此語是也我是你不是早立像了也仰山却問鴻山某精神昏昧拙於祇對未審和尚於百丈師翁處作麼生呈語鴻曰我於先師處呈語如百千明鏡鑑像光影相照塵塵刹刹各不相借仰山於是禮謝宗通云一尊宿善說楞嚴妙影重相入○李鷲常侍問未審此之苦報自何而來師曰苦因業來曰業因何生師曰業因結生曰結因何生師曰結依妄心生曰心依何住師曰心卽無物無依無住所以苦因業業依結結依心心卽無所依譬

如地輪依水輪水輪依風輪風輪依虛空虛空無所依○又問如何得業結消融師曰若言下識是妄心本來無所依住卽是常侍無依妙神此妙神卽是本身本來無有業結及苦樂等事衆生迷此無依住顛倒種種結業苦樂之事便從此起若頓了此無住之神一切妄業本無所有亦無所滅宗鏡云準此妄境依妄心妄心

依本識本識依如來藏如來藏無所依

臨濟云如今學者不得病在不自信處自信不及便忙忙地徇一切境被他萬境回換不得自由約如今見處與釋迦何別你且欠少什麼六道神光未嘗間

歇你一念心上清淨光。是你屋裏法身佛。一念心上無分別光。是你屋裏報身佛。一念心上無差別光。是你屋裏化身佛。此三種身。是你卽今日前聽法底人。此三種身是名言。亦是三種依。古人云。身依義立。土據體論。法性身。法性土。明知是光影大德。你且識取。美光影底人。是諸佛之本源。一切處是一切道流歸舍處。是你四大色身。不解說法聽法。脾胃肝膽。不解說法聽法。虛空。不解說法聽法。是你目前歷歷底。勿一个形段孤明。是者个解說法聽法。所以向你道。向五陰身田內。有無位真人。堂堂顯露。無纖毫許間隔。

何不識取心法無形。通貫十方。在眼曰見。在耳曰聞。本是一精明。分成六和合。心若不生。隨處解脫。祇爲一切馳求心。不能歇。上佗古人閒機境。不達三祇劫。空有此障礙。你只有一个父母。更求何物。你自返照。古人云。演若達多失。却頭求心歇處。卽無事。○你且隨處作主。立處皆真境。來回換不得。縱有從來習氣。五無間業。自爲解脫。大海今時學者。猶如觸鼻羊。逢著物。安在口裏。奴郎不辨賓主。不分邪心入道。正是出家俗人。若魔佛不辨。正是出一家入一家。喚作造業衆生。未得名爲真出家。祇如今有一个佛魔同體。

不分如水乳合。鴟王唼乳如明眼道流魔佛俱打。你若愛聖憎凡。生死海裏浮沉。光陰可惜。念念無常。麤則被地水火風細則被生住異滅四相所逼。且要識取四種無相境。免被境擺撲。如何是四種無相境。曰。你一念心疑。被地來礙。你一念心愛。被水來溺。你一念心瞋。被火來燒。你一念心喜。被風來飄。若能如是辨得。不被境轉。處處用境。東涌西沒。南涌北沒。中涌邊沒。邊涌中沒。履水如地。履地如水。緣何如此。爲達四大如夢如幻故。你如今聽法者。不見你四大能用你四大。若能如是見得。便乃去住自由。○你道佛

有六通。是不可思議。一切諸天神仙阿修羅大力鬼。亦有神通。應是佛不。阿修羅與天帝戰敗。領八萬四千眷屬入藕絲孔中。莫是聖不。皆是業通。依通佛六通者。不然入色界。不被色惑。乃至入法界。不被法惑。達六種塵相。皆是空相。不能繫縛。此無依道人。雖是五蘊陋質。便是地行神通。祇麼幻化上頭作模作樣。皆是野狐精魅。外道見解。○你欲識三界。不離你今聽法的心地。你一念心貪。是欲界。你一念心瞋。是色界。你一念心癡。是無色界。是你屋裏家具子。三界不自道。我是三界。還是目前靈靈地照燭萬般酌度世。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

間的人與三界安名你一念心歇得處喚作菩提樹
一念心歇不得處喚作無明樹無明無住處無明無
始終若念念心歇不得便上他無明樹便入六道四
生披毛戴角你若歇得一念不生便是上菩提樹三
界神通變化意生化身○你若取不動清淨境爲是
卽認他無明爲郎主古人云湛湛黑暗深坑實可怖
畏你若認他動者是一切草木皆解動應可是道也
所以動者是風大不動者是地大動與不動俱無自
性你若向動處捉他他向不動處立你若向不動處
捉他他向動處立譬如潛泉魚鼓波而自躍動與不

動是二種境還是無依道人用動用不動

德山示衆云莫取次用心萬劫千生輪迴三界皆爲
有心心生則種種法生一念不生永脫生死督起一
念心便是魔家眷屬破戒俗人汝莫愛聖聖是空名
更無別法只是个爛熳靈空無礙自在不是莊嚴得
底物向三界十方世間若有一塵一法可得與汝執
取生解皆落天魔外道別無禪道可學亦無神通變
現可得諸行無常是生滅法若言入定凝神靜慮得
者尼乾子等外道師亦入得八萬劫大定莫是佛不
老漢從生至死是个老比丘雖在三界生而無垢染

欲得出離何處去。設有去處亦是籠檻魔得其便。身心無可得。只要一切時中莫用他聲色無思無念。無一法可當情出家兒乃至十地滿心菩薩。見他蹤跡不著。所以諸天歡喜地神捧足。十方諸佛讚歎魔王啼哭。何以故。緣此虛空活潑。地無根株。無住處。若到者裏。眼孔定動。卽沒交涉。○德山上堂。若也於已無事。則勿妄求。妄求而得。亦非得也。汝但無事於心。無心於事。則虛而靈。空而妙。若毛端許言之本末者。皆爲自欺。何故。毫釐繫念。三途業因。譬如情生。萬劫羈鎖。聖凡名號。盡是虛聲。殊相劣形。皆爲幻色。汝欲

求之得無累乎。及其厭之。又成大患。終而無益。

洞山和尚語曹山云。末法時代人多乾慧。若要辨驗真僞。有三種滲漏。一曰見滲漏。機不離位。墮在毒海。二曰情滲漏。滯在向背見處。偏枯。三曰語滲漏。究妙失宗。機昧終始。濁智流轉於此三種子。宜知之。

瑞鹿先云

乾慧豈免苦輪。

九峰虔云。兄弟還識得。命麼。流泉是命。湛寂是身。千波競湧。是文殊境界。一亘晴空。是普賢牀榻。其次借一句子。是指月於中事。是話月。諸兄弟。約甚麼體格商量。到者裏。不假三寸。試話會看。不假耳。試采聽看。

不假眼試辨白看。所以道聲前拋不出句後不藏形。盡乾坤大地都來是汝當人。今體向甚麼處安眼耳。鼻舌莫但向意根下圖度作解。盡未來際亦未有休歇處。○問盡乾坤都來是個眼。如何是乾坤眼。師曰。乾坤在裏許。曰。乾坤眼何在。師曰。正是乾坤眼。師曰。還照矚也無。師曰。不借三光勢。曰。既不借三光勢。憑何喚作乾坤眼。師曰。若不如是觸體前見鬼神無數。○九峰虔禪師受印於石霜。僧問教中有言。三光緣就始成其見。三光未就還成見否。虔曰。緣有差殊。見無虧損。僧云。既無虧損。暗中爲甚麼不見物。虔曰。雖不

見物。寧無見暗。僧云。離却三光。如何是真見處。虔曰。匝地日頭黑似漆。石頭參同契曰。當明中有暗勿以暗相遇。當暗中有明勿以明相覩。涌泉欣曰。見解人多。行解人萬中無一個。敢道輪迴去在。爲何如此。蓋爲識漏未盡。

洛浦元安師曰。玄關固閉。識鎖難開。疑網羅籠智刀。劣剪若不當陽曉示。迷子何以知歸。欲得大用現前。但可頓忘諸見。諸見若盡。昏霧不生。智照洞然。更無他物。今學人因他數量作解。被他數量該括。方寸不能移易。所以聽不出聲。見不超色。假饒併當門頭潔淨。自己法眼未明。此人祇具一隻眼。是非貫系不得。

脫坼自由

雪峰存自製塔銘曰夫從緣有者始終而成壞非從緣得者歷劫而彌堅

法眼云祇今是成是壞人莫能對。

南禪契璠上堂若是名言妙句諸方總道了也。今日衆中還有超第一義者致將一問來僧問如何是第一義師曰何不問第一義曰見問師曰已落第二義也。

曹山和尚云諸佛心牆壁瓦礫是者亦喚作性地亦稱體全功亦云無情解說法若知有者裏得無辯處十方國土山河大地石壁瓦礫虛空與非空有情無

情草木叢林通爲一身喚作得記亦云一字法門亦云總持法門亦云一塵一念亦喚作同徹若是性地不知有諸佛千般喻不得萬種況不成千聖萬聖盡從者裏出從來不變異故云十方薄伽梵一路涅槃門

宗境

示衆僧家在此等衣線下須理會通向上事

若也承當處分眞卽轉他諸聖向自己背後方得自由若也轉不得直饒學得十成却向他背後又手說什麼大話若轉得自己一切麤重境來皆做得主宰假作泥裏倒地亦做得主宰不論天堂地獄餓鬼畜生但是一切處不移易元是舊時人只是不行舊時

路若有忻心還成滯著。若脫得揀什麼。人人有一坐具地。佛出世。侵他不得。欲知此事。饒今成佛成祖去。只者是便墮三途六道去也。只者是須與他作主宰。始得。若作主宰。不得便是變易去也。

僧問雲居智和尚。師言見性成佛。清淨之性。不屬有無。因何有見。師曰。見無所見。曰。旣無所見。何更有見。師曰。見處亦無。曰。如是見時。是誰之見。師云。無有能見者。曰。究竟其理。云何。師曰。妄計爲有。卽有能所。乃得名。迷隨見生解。便墮生死明見之人。卽不然。終日見未嘗見。求見處體相不可得。能所俱絕。名爲見性。

曰。此性徧一切處不。師曰。無處不徧。曰。凡夫具不。師曰。無處不徧。豈凡夫而不具乎。曰。諸佛菩薩不被生死所拘。凡夫獨縛此苦。何曾得徧。師曰。凡夫於清淨性中。計有能所。卽墮生死。諸佛大士。知清淨性中。不屬有無。卽能所不立。曰。若如是說。卽有能了不了人。師曰。了尚不可得。豈有能了人乎。汝卽應念清淨性中。無有凡聖。亦無了不了人。凡之與聖。俱是名。若隨名生解。卽墮生死。若知假名不實。卽無有當名者。此是極究竟處。若曰。我能了。彼不能了。卽是大病。見有淨穢。凡聖亦是大病。作無凡聖解。又屬撥無因果。

見有清淨性可棲止亦大病。作不棲止解亦大病。然清淨性中具不壞方便應用及興運慈悲。如是興運之處。卽全清淨之性。可謂見性成佛矣。○如人頭頭上了。物物上通。只喚作了事人。終不喚作尊貴。將知尊貴一路自別。便是世間極重極貴物。不得將來向尊貴邊須知不可思議。不當好心。所以古人云。猶如雙鏡光。光相對。光光相照。更無虧盈。豈不是一般。猶喚作影像邊事。如日出時。光照世間。明朗是一半。那一半。喚作什麼。如今未認得光影。門頭戶底。龐淺的事。將做屋裏事。又爭得。○從天降下。卽貧窮。從地涌

出。卽富貴。門裏出身。則易。身裏出門。則難。動則埋身。千尺不動。則當處生苗。一言廻脫。獨拔當時語言。不要多多。則無用處。

永明釋云。若從心地涌出智寶。有真實去根脚。下諦去自然。出語與實相應。言下救人生死。變凡爲聖。提躉成金。若心中未諦。圓信不成。空任虛浮。只增狂慧。直饒說得天花墜石點頭。事若不真。總成幻。所以志公見雲光法師講法華經。感天華墜。云是

岐蚤之義。

白水本仁云。老僧尋常不欲向聲前色後。鼓美人家男女。且聲不是聲。色不是色。問如何。是聲不是聲。曰喚作色。得麼。如何。是色不是色。曰喚作聲。得麼。僧禮拜。師曰。且道爲汝說。答汝話。若向者裏會得。有個人

處。

龍牙和尚云。法者是軌持之名。道是衆生體性。未有世界。早有此性。世界壞時。此性不壞。喚作隨流之性。常無變異。動靜與虛空齊等。喚作世間相常住。亦名第一義空。亦名本際。亦名心王。亦名真如。解脫亦名菩提涅槃。百千異號。皆是假名。雖有多名。而無多體。會多名。而同一體。會萬義。而歸一心。若識自家本心。喚作歸根得旨。欲得諸流水。但向大海中求。欲識萬法之相。但向心中契會。宗鏡

顓禪師云。文殊問金色女。汝身有五陰十二入十八

界不。女言。如我身有五陰十二入十八界。梵網經云。一切地水是我先身。一切火風是我本體。又依正二身。平相依立。華嚴經云。一切法無相。是則佛真體。經明若計靈智之心。是常色。是取壞無常者。則外道斷常之見。華嚴明衆生界。卽佛界。佛界。卽法界。法界之外。更無別法。乃至萬法。雖異其體。常同。若不迷於所同。體用。常無有一。無二之旨。益出世之要律。一念相應。不隔。凡成聖矣。

宗鏡

福州玄沙師備和尚示衆云。情存聖量。猶落法塵。已見未忘。還成滲漏。西天外道。入得八萬劫定。閉目藏

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

晴灰身滅智。劫數滿後。不免輪回。蓋爲道眼不明。生死根源不破。出家兒不可同他外道也。阿那个便是平生得力處。切須在急時中。如喪身命。冥心自救。捨閒緣歇却。心識方有少許相應。若不如是。明朝後日。盡被識情帶將去。有甚麼自由分。如今却不如他無情之物。敷唱分明。土木石頭說法。非常真實。只是少人能聽。若聞此說。始可商量。大凡三條椽下具者。个真實發明。便向四生六道中。同於諸佛淨土。更懼何生死。且阿誰知他。一切諸法都無實體。至於靈山會上。迦葉親聞。猶如話月。古德云。善惡都莫思量。猶

如指月。乃至三乘行位解脫。菩薩涅槃。聖德聖果。竝如空花鬼燭。不見道却來觀世間。猶如夢中事。有爲心法。不可相依。只爲違真棄本厭凡忻聖。作此見知。不出他限量。拋他五陰不去。○汝諸人且承當得甚麼事。在何世界安身立命。若辨不得。恰似捏目生花。見事便差。如今目前現有山河大地。色空明暗。種種諸物。皆是狂勞花相喚。作顛倒知見。出家人達心識本源。如今看著。盡黑漫漫地墨汁相似。祇如從上宗乘。是諸佛頂族。汝既承當不得。所以我方便勸汝。且從迦葉門接續頓超去。此一門超凡聖因果。超毘盧

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

妙莊嚴世界海超他釋迦方便門直下永劫不教有一物與汝作眼見何不自急急究取祇如釋迦說二分教大作一場佛事向此門中用一點不得用一毛頭伎倆不得如同夢事亦如寐語識得即是大出脫大徹頭人超凡越聖出生離死離因離果超毘盧越釋迦莫祇長戀生死愛網被善惡業拘將去無自由分饒汝鍊得身心同虛空去饒汝到精明湛不搖處不出識陰古人喚作如急流水流急不覺妄爲恬靜恁麼修行出他輪迴際不得更有一般說昭昭靈靈臺智性能見能聞向五蘊身田裏作主宰我今

問汝若認昭昭靈靈是汝真實爲甚瞞睡時又不成昭昭靈靈若瞞睡時不是爲甚有者昭昭時者喚作認賊爲子是生死根本妄想緣氣汝欲識根由麼我向汝道昭昭靈靈祇因前塵色聲香等法而有分別便道此是昭昭靈靈若無前塵此昭昭靈靈同於龜毛兔角真實在甚麼處汝欲得出五蘊身田主宰但識取汝秘密金剛體汝還見南閻浮提日麼世間人所作興營養身活命種種心行莫非承日光成立只如日體還有許多般心行麼還有不周徧處麼金剛體亦如是如今山河大地十方國土色空明暗及汝

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

身心莫非盡承汝圓成威光所現。天人羣生類所作業次受生果報。有情無情莫非承汝威光乃至諸佛成道果接物利生。莫非盡承汝威光。只如金剛體還有凡夫諸佛麼。有汝心行麼。不可道無便當得去也。汝有如是奇特當陽出身處。何不發明却隨向五蘊身田鬼趣裏作活計。○動則起生死之本。靜則醉昏沈之鄉。動靜雙泯。卽落空亡。動靜雙收。顛頽佛性。直須對塵對境。如枯木寒灰。臨時應用。不失其宜。鏡照諸像。不亂光輝。鳥飛空中。不雜空色。所以十方無影像。二界絕行蹤。不墮往來機。不住中間意。鐘中無鼓。

響鼓中無鐘聲。鐘鼓不相交。句句無前後。寂音曰。中觀論曰。無物從緣起。無物從緣滅。起惟諸緣起。滅惟諸緣滅。以是知色生時。但是空生。色滅時。但是空滅。譬如有畫水成文。未嘗生滅。玄沙云。鐘中無鼓。響鼓中無鐘聲。鐘鼓不交。參句句無前後。此真緣起無生之旨也。如壯士展臂。不藉他力。師子遊行。豈求伴侶。九霄絕驟。爲魔王眷屬。句前句後。是學人難處。所以一句當天八萬門。永絕生死。直饒得似秋潭月影。靜夜鐘聲。隨扣擊以無虧觸。波瀾而不敢。猶是生死岸頭事。道人行履處。如火消冰。終不却成冰箭。旣離絃。無返回勢。所以牢籠不可住。呼喚不回頭。古聖不安排。至今無

處所若到者裏步步登玄。不屬邪正識不能識智不能知動便失宗覺卽迷旨如今不悟个中道理涉事涉塵頭頭繫紲縱悟則塵境紛紜名相不實便擬凝心欲念攝事歸空細想才生卽便退捺如此卽是落空亡的外道魂不散的死人者裏分別則不然也不是隈門傍戶句句現前不得商量不涉文墨本絕塵境本無位次真如凡聖地獄人天祇是療狂子之方虛空尚無改變大道豈有昇沈悟則縱橫不離本際若到者裏凡聖也無立處若向句中作意則沒溺殺人若向外馳求又落魔界如如向上沒可安排恰似

餒鑪不藏蚊蚋便是千聖出頭來也安一字不得。○鏡清道怎上堂如今事不獲已向汝道各自驗看親切到汝分上因何特地生疏祇爲拋家日久流浪年深一向緣塵致見如此喚作背覺合塵亦名捨父逃逝。

太原和尚云欲發心入道先須識自本心若不識自本心如狗逐塊非師子王也卽今語言是汝心舉動施爲更是阿誰若言更別有者卽如演若覓頭甘泉和尚
云信心是佛無始無明輪迴生死四生六道只爲不敢認自心是佛若能識自心心外無別佛佛外無別心除此心外更無別心若言別更有者卽是演若達多將頭覓頭

80

90

100

90

雲門和尚拈起拄杖云。山河大地三世諸佛盡在拄杖頭上有甚滯礙如今明也暗向什麼處去祇者明便是暗一切衆生只被色空明暗隔礙便見有生滅之法。○日裏往來日裏辨人忽然半夜無日月燈光曾到處則固是未會到處取一件物還取得麼勤曰
圓悟

參同契云當明中有暗勿以暗相覩當暗中有明勿以明相遇若坐斷明暗且道是个什麼所以道心華發明照十方刹。○盡天地有什麼物與汝爲緣爲對若有鍼鋒許與汝爲隔爲礙與我拈將來喚什麼作佛祖喚什麼作山河大地日月星辰將什麼爲四大五蘊。○若從學解機智得祇如十地聖人說法如雲如雨猶似有个物相似亦是光不透脫萬松云雲門道一切處不明面前有物是一不是教你除幻境滅幻心別見透脫處三祖云六塵不惡還同正覺與圓覺經知幻卽離不作方便離幻卽覺亦無漸次便見作止任滅如金剛與泥人指背也又云隱隱地有个物相似正是圓覺存我覺我潛續如命細四相病故普覺云大悲世尊快說禪病爲山言無一法可當情清猶在境楞嚴云縱滅一切見聞覺知內守幽閑猶爲法塵分別影事南院頤云我當時如燈影裏行相似所以道亦是光不透脫○大慧云有人說靜是根本悟是枝葉靜得久自然悟去山僧敢道他亂道又引淨極光通達爲證且莫錯會好先聖不奈何說个淨極光通達寂照含虛空譬喻良醫應病與藥如今不信有妙悟底反道悟是建

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

立。豈非以藥爲病乎。○雲棲宏公曰。世人已知見聞覺知爲識。神既滅見聞覺知將謂不落識神。寧知仍是識神稟曰。生死根本千百人中且無一二。至此卽沒古今幾許豪傑。參禪秘要。殆盡渢於是。又法身亦有兩般病。得到法身爲法執不忘已見。猶存坐在法身邊。是一直饒透得法身去。放過卽不可仔細點檢。將來有甚麼氣息亦是病。萬松云。前二病少後一種。師家應病施藥。各垂方便。其二種光與光不透脫。有兩般病無別洞。上宗風靜沈止水動落今時。名二種病。你但出不隨應入不居空外。不尋枝內不住定。自然三病二光。一時透脫。然後透脫不透脫拈放一邊子細點檢將來。還有什麼氣息亦是病。雲門但指其病不說治法如何。還知麼病多詣藥性。得効敢取傳方。

地藏琛禪師問保福僧。彼中佛法。如何示人。僧云。有

時示衆塞却你眼。教你覗不見。塞却你耳。教你聽不聞。坐却你意根。教你分別不得。師云。吾問你不塞你眼。見个甚麼。不塞你耳。聞个甚麼。不坐你意根。作麼生分別。僧有省。○上堂云。汝喚甚麼作平實。把甚麼作圓常。莫相埋沒。些子聲色名字。貯在心頭記。持得底是名字。揀辨得底是聲色。若不是聲色名字。汝又作麼生記持揀辨。風吹松樹也是聲。蝦蟆老鴟叫。也是聲。何不那裏聽取揀辨去。卽今聲色縱縱地爲當相及。不相及。若相及。卽汝靈性金剛秘密。應有壞滅去也。何以如此爲。聲貫破汝耳。色穿破汝眼。因緣

80

90

100

90

卽塞却汝幻妄走殺汝聲色體爾不可容也若不相及又什麼處得聲色來相及不相及試裁辨看

安國球禪師示衆云我此間粥飯因緣爲兄弟提唱終是不常如今欲得省要却是山河大地舉明其事却常亦能究竟若從文殊門入者一切無爲草木瓦礫助汝發機若從觀音門入者一切音響蟬鳴蚯蚓助汝發機若從普賢門入者不動步而到以此三門方便示汝如將一隻折筋攬彼大海令彼魚龍知水爲命離水一分魚龍不全性命若無智眼審而諦之任爾百般巧妙不爲究竟

國清師靜上座問玄沙云教中道不得以所知心測度如來無上知見又作麼生沙曰汝道究得徹底所知心還測度得及不師因此信入有人問弟子每當夜坐心念紛飛未明攝伏の方願垂示誨師曰如或夜間安坐心念紛飛却將紛飛之心以究紛飛之處究之無處則紛飛之念何存反究究心則能究之心安在又能照之智本空所緣之境亦寂寂而非寂者蓋無能寂之人也照而非照者蓋無所照之境也境智俱寂心慮安然外不尋枝內不住定二塗俱泯一性怡然此乃還源之要道也

洞山初示衆。舉唱宗風激揚大乘。不道全無其奈。還少只緣未達其源。落在第八魔境界中。受陰第八云已言證聖得在。識得個不名不物。無是無非。頭頭物物。無不具足。道我得安樂田地。更不求餘。凡有扣擊問難。即便敲牀豎拂。更不惜便施便設。便行便用。向惡水坑裏頭出頭沒。美个無尾胡孫。到臘月三十日鼓也打破。胡孫又走却了。手忙腳亂。悔將何及。若是不衲僧。乍可凍殺餓殺。終不著他鵠臭布衫。

法眼和尚不僧。汝道六處不知音。眼處不知音。耳處不知音。若也根本是有。爭解無得。古人道離聲色。著

聲色。離名字。著名字。所以無想天修得經八萬大劫。一朝退墮諸事儼然。蓋爲不知根本真實。次第修行。三生六十劫。四生一百劫。直到三祇果滿。猶道不如一念緣起無生。超彼三乘權學等見。又道彈指圓成八萬門。剎那滅却三祇劫。寶公曰。暫時自可不追尋。歷劫何曾異今日。還會麼。今日只是塵劫。○僧問十二時中。如何得頓息萬緣去。師曰。空與汝爲緣耶。色與汝爲緣耶。言空爲緣。則空本無緣。言色爲緣。則色心不二。日用果何物。而爲汝緣乎。

天台韶國師云。眼中無色。識色中無眼。識眼。識二俱。

空。何能令見色是眼則不能自見其已體。若不能自見云何見餘物。古聖方便皆爲說破。若於此明得寂靜法不寂靜法也。收盡明得遠離法不遠離法亦收盡。未來現在亦無遺餘。名一法界。何有遮障。各自信取。

靈隱聳云。見色便見心。且喚甚麼作心。山河大地萬象森羅。青黃赤白男女等相。是心不是心。若是心爲什麼却成物像去。若不是心。又道見色便見心。祇爲迷此而成顛。倒於無同異中。强生同異。如今直下承當頓豁本心。皎然無一物可作見聞。若離心別求解

脫。迷波討源。卒難曉悟。

經云。若樹非見。云何見。

樹若樹即見復云何樹。

崇壽稠云。第一義現成佛性常照。一切法常住。若見有法常住。猶未是法之真源。佛言一人發真歸元。一方虛空悉皆銷殞。還有一法爲意解麼。

法眼之子慧明道人問禪者近離何處。曰成都。曰上

座離成都到此山。則成都少上座。此山剩上座。利則

心外有法。少則心法不周。說得卽住。僧無對。

佛眼上堂。山僧僧

適在寢堂中。法堂無山僧。寢堂有山僧。下至法堂。法堂有山僧。寢堂無山僧。有則心外有法。無則心法不周。諸上座在衣鉢下聞打鼓。便上法堂。法堂上添得上座。衣鉢下減却上座。添則成增。減則成減。故落斷增。故落常行脚人如何得離。有離無離。常離斷生死。疑情大難透脫。此是如來清淨心要。宜須決擇。不

80

90

100

110 120 130 140 150 160 170 180 190 200

可等閒。△林間錄云：慧明法眼之子，知見甚高下視諸方禪宗貴大機大用，不貴知解。雲庵每曰：汝輩皆知有只是用，不得如慧明道人，可謂善用者也。

居訥禪師留止洞山十年。讀棗柏華嚴論至第二會，於須彌山頂上說十住表入理，棄智非生滅心所得至故。如須彌山在大海中，高八萬四千由旬，非手足攀攬可及。以明八萬四千塵勞山住煩惱大海衆生，有能於一切法無思無爲卽煩惱海自然枯竭。塵勞山便成一切智山，煩惱海便成一切智海。若更起心思慮，卽有攀緣。卽塵勞山愈高，煩惱海愈深，不能以至諸佛智頂也。三復之嘆曰：石華云無下手處，而馬

祖曰：曠劫無明今日一切消滅，非虛語也。

寂音曰：楞嚴經云汝

但棄其生滅守於真常，光現前根塵識心應時銷落。

寂音作永明智覺禪師傳云：指法以佛祖之語爲鉉，準曰：迦葉波初聞偈曰：諸法從緣生，諸法從緣滅。我師大沙門嘗作如是說。此佛祖骨髓也。龍勝曰：無物從緣生，無物從緣滅。起唯諸緣起，滅唯諸緣滅。乃知色生時但是空生，色滅時但是空滅。譬如風性本不動，以緣起故動。倘風本性動，則寧有靜時哉？密室中若有風，風何不動？若無風，遇緣卽起。不特風爲然，一切法皆然。維摩曰：善來，文殊！不來相而來，不見相而

見文殊言如是。若來已更不來。若去已更不去。所以者何來者無所從來。去者無所至。所可見者更不可見。此緣起無生之旨也。

林間錄云。起信云。若心有見是徧照法界義。故乃知心外無法徧照義。成苟有去來相見。則遺正義也。如人言風性本動。是大不然。風本不動。能動諸物。若先有動。則失自體。不復更動。則知動者乃所以明其未嘗動也。去來相見。亦復如是。

○宗鏡問。萬境無明。與一心法性爲是一爲是二。若是二。不分染淨二名。若是二。云何教中說無明即法性。答。體一是真名。二是假名。因情立真。以智明情。智自分真。原不動不可定。同不壞世諦故。不可定異。不失真諦。故涅槃云。明與無明愚人爲一智者。了達其

性無二無二之性。即是真性。古德約十法界釋云。愚人者九界之愚也。愚人取相見一切法二性。隨其取相心。悉無明也。如寒谷千年。堅冰未嘗作水也。智者佛界之智也。圓觀行人。開佛眼者。見同古佛也。圓眼不見無明根本元。是清淨法性。如太陽常照。海水未曾作水也。水水性一。隨緣成二。不守性。恒自隨緣。雖復隨緣。不壞法性。況法無明。亦何定一。亦何定異。則不隨事而失體。非共非分。不守性而任緣。亦同亦別。○問菩提卽自身心者。云何教中說不可以身心得答。菩提之心卽心者。乃是自性清淨心。湛然不動。

蓋是正覺無相之真智。其道虛玄妙絕常境。聰者無以容其聽。智者無以運其知。辨者無以措其言。像者無以狀其儀。以迷人不了。執色陰爲自身。認能知爲自心。故經云。身如草木。無所覺知。心如幻化。虛妄不實。以除其執取之心。故云菩提者不可以身心得也。菩提非是觸塵。不可以身得。菩提非是法塵。不可以心得。若體了人。卽達陰界本空。妄心無相。以本空故。法身常現。以無相故。真心不虧。如此發明。五陰卽菩提。離是無菩提。不可以菩提而求菩提。不可以菩提而得菩提。文殊云。我不求菩提。何以故。菩提卽我我。

卽是菩提。維摩云。菩提非所觀之境。則無能緣之心。所觀境空。卽實相。菩提能緣心空。卽自性菩提。○問所云五根作用。皆稱光明寶。摩尼王。悉能雨寶。凡夫根器亦如是耶。答。經云。六自在王。常清淨。所以稱王。王是自在義。是以眼根任運觀之。自在無礙。又常在現量。本性不遷。豈非如王常得自在。如云應眼時。若干日萬像不能逃形質。豈非雨寶義。眼門放光。照破山河大地。豈非放光義。則玄鑒無遺。幽微洞悉。五根隨用。亦復如是。乃至意根。一念千里。無

菩提歸無所得

有障礙。如云應意時。絕分別。照燭森羅。終不歇。透過

80

90

100

120

95

山河石壁間。要且照時常寂滅故。知六根不惡。還同正覺。智者無爲。愚人自縛。可謂身之寶藏。心之明珠。不說不知。空沈苦海。

永明智覺禪師垂誠云。學道之門。別無奇特。只要洗滌根塵下。無量劫來業識種子。深嗟末世。誑說一禪只學虛頭。全無實解。步步行有口。口談空。自不責業力所牽。更教人撥無因果。便說飲酒食肉。不礙菩提。行盜行姪。無妨般若。生遭王法。死陷阿鼻。受得地獄業消。又入畜生餓鬼。百千萬劫。無有出期。除非一念回光。立卽翻邪爲正。若割心肝。如木石相似。便可食肉。若喫酒如喫矢尿相似。便可飲酒。若見端正男女如死尸相似。方可行姪。若見已財。他財如糞土相似。便可侵盜。饒你煉得到此田地。亦未可順汝意在。直待證無量聖身。始可行世間逆順事。古聖施設廣行遮護。千經所說。萬論所陳。若不去姪。斷一切清淨種。若不去酒。斷一切智慧種。若不去盜。斷一切福德種。若不去肉。斷一切慈悲種。三世諸佛。同口敷宣。天下禪宗。一音演暢。如何後學。畧不聽從。自毀正因。反行魔說。只爲宿熏業種。生遇邪師。善力易消。惡根難拔。豈不見古聖道見一魔事。如萬箭攢心。聞一魔聲。如

千錐劄耳。速須遠離各自究心。

永明垂誠先合先佛
四種清淨明誨刻骨

瀝血真實爲人而雷庵受師揀之曰此亦方便語也
以如來之言觀之則正爲空魔所入意喜其可哉未
法邪魔或借永明言又增狂解莽蕩招殃
則雷庵之云亦可助永明當頭一棒也

瑞鹿先上堂諸法所生唯心所現如是言語好個人
底門戶你等諸人眼見一切色耳聞一切聲鼻嗅一切香舌了一切味身觸一切軟滑意分別一切諸法
祇如眼耳六根所對之物爲復是你等心非是你等
心若道是你等心何不與你等身都作一塊爲甚麼
所對之物却在你等六根外若非是你等心又爭奈
唯心所現言語留在世間何人不舉著○又云夜間

眠熟不知一切既不知一切且問那時有本來性無
本來性若道是有又不知一切與死無異若道是無
睡眠忽省覺知如故如是等時是个甚麼

雲居道齊禪師謂門弟子曰吾讀楞伽經偈曰諸法
無法體而說惟是心不見於自心而起於分別可謂
大慈悲父如實極談我輩不自領受背負恩德如恒
河沙或曰然則見自心遂斷分別乎曰非然也譬如
調馬馬自見其影而不驚何以故以自知其影從自
身出故吾是以知不斷分別亦捨心相也祇今目前
如實而觀不見纖毫祖師曰若見現在過去未來亦

應見。若不見過去未來。現在亦不應見此語分明。人自迷昧。○雲居齊示疾集衆老僧以風火相逼特與諸人相見。且向甚麼處見。向四大五陰處見耶。六入十二處見耶。是種種處不可見。只今相問者是誰。或問龍濟曰。一切鍾鼓本無聲。如何信之無聲。師曰。祖師曰。如鼓聲無有作者。無有住處。畢竟空故。但詎凡夫耳。若鼓聲是實有。鐘聲俱擊應。不相參。所以玄沙云。鍾中無鼓響。鼓中無鐘聲。鐘鼓不交參。句句無前後。若不當體寂滅。如何得句句無前後耶。

承天嵩云。全衆生之佛性。寂寂涅槃。三世坦然。十方

不泯。只爲衆生不了。迷已認他。便乃塵勞擾擾。妄想攀緣。卽相離真迷已。逐物都爲一念不覺。便見空裏生花。不覺眼中有翳。此迷無本性。畢竟空。覺本無迷。似有迷覺。覺迷滅。覺不生迷。所以經云。諸法如是。生諸法如是滅。若能如是解。諸佛常現前。

天衣懷示衆云。一千年前大覺世尊。將諸聖衆。往第六天上。說大集經。敕他方此土人間天上。一切憚惡鬼神。皆集會受佛付囑。有不赴者。四門天王。飛熟鍊輪追之。唯有一魔王。謂世尊曰。瞿曇我待。一切衆生成佛盡。衆生世界空。無有衆生名字。我乃發菩提心。

臨危不變真大丈夫。諸仁者作麼生著一轉語。與黃面瞿曇出氣尋常神通妙用。智慧辨才。到此總使不著。盡閻浮大地。人無不愛佛。到者裏何者是佛。何者是魔。還有人辨得麼。良久云。欲識魔麼。開眼見明。欲識佛麼。合眼見暗。魔之與佛。以拄杖一時穿鼻孔。妙喜云。天衣老漢恁麼批判。直是奇特。雖然如是。未免話作兩橛。若向何者是佛。何者是魔處。便休去。不妨使人疑著。却又道開眼合眼。郎當不少。又云。魔之與佛。以拄杖一時穿却鼻孔。雪上加霜。妙喜却爲黃面瞿曇。代一轉語。侍者魔王道。衆生界空我。乃發菩提心。只向他道。幾乎錯喚。你是魔王。此語有兩負門。若人點箇得出。許你具衲僧眼。△南堂靜云。我卽向他道。大衆魔王已發心。竟魔常如是住。不然道汝喚什麼。作衆生擬。

開口與一鍊輪。

節使李端願問達觀曰。天堂地獄畢竟是有是無。觀曰。諸佛向無中說有。眼見空花。太尉就有裏尋無。手摭水月。堪笑。眼前見牢獄不避。心外聞天堂欲生。殊不知忻怖在心。善惡成境。但了自心自然無惑。雲峰悅上堂舉教中此見及緣元。是菩提妙淨明體。又道林木池沼皆演法音。交光相羅。如寶羅網。古聖與麼說。喚作回首塵勞。曲開方便。所以道。如我按指海印。發光汝暫舉心塵勞先起。會麼。拂子且將揮世界。拄杖權爲答話人。○未達境惟心起。種種分別。達境惟心已。分別卽不生。知諸法唯心便捨外塵相。只

如大地山河明暗色空法法現前作麼生說个捨於此明得尚在半塗須知向上更有一竅在。

大洪報恩禪師答張無盡曰。西域外道不出有無四見。不卽一心爲道則道非我有。故名外道。不卽諸法是心則法隨見異故名邪見。如謂之有。有則有無。如謂之無。無則無有。有無則有見競生。無有則無見斯起。亦有亦無見。非有非無見亦猶是也。不能離諸見則無以明自心。無以明白心。則不能知正道。經云。有見卽爲垢。此則未爲見。遠離於諸見。如是乃見佛邪。正殊途。正由見悟殊致故也。夫三界唯心。萬緣一致。

彌綸萬有。而非有。究竟寂滅。而非無。非無亦非。無非有。亦非非有。四執既亡。百非斯遣。則自然因緣。皆爲戲論。虛無真實。俱是假名矣。西天諸大論師。皆以心外有法爲外道。萬法唯心爲正宗。然西天外道。皆大權菩薩示化之所施。爲橫生諸見曲盡異端。以明佛法是爲正道。順逆皆宗。非思議之所能知也。

黃龍晦堂與夏倚公立談。至筆論會。萬物爲自己。及情與無情共一體。時有狗臥香桌下。師以壓尺擊狗。又擊香桌曰。狗有情卽去。香桌無情自住。情與無情。如何得成一體。公立不能答。師曰。纔涉思惟。便成剝。

80

90

100

110

120

130

140

150

160

170

180

法。何曾會萬物爲已哉。○居士吳敦夫偶閱鄧隱峰傳。見其倒卓化去而衣亦順身不褪。竊疑之曰。彼化之異固莫測。而衣亦順之何也。以問晦堂老人。晦堂曰。汝今衣順垂于地。復疑之乎。曰。無所疑也。晦堂笑曰。此旣無疑。則彼倒化衣亦順體。何疑之有哉。敦夫言下了解。此可以懸解。楞嚴垂手正倒之義。

眞淨師上堂。南闇浮提衆生。以音聲爲佛事。所謂此方真教體。清淨在音聞。三乘十二分教。一一從音聲演出。乃至諸祖宗師種種禪道。皆從音聲演出。庭前柏樹北斗藏身。德山喝。臨濟棒。無不從音聲演出。何況世間一切所有事法。音聲無盡。演說無盡。見聞無盡。利樂無盡。苟入此法門。得旋陀羅尼三昧。自在海。○要得生死不相續。但直下識取常住真心。性淨明體。自然生死不相關。若信不及。不聽受。則沈在業識。無明海。○眞淨文解夏示衆。以拂子擊禪牀云。天地造化。有陰陽生殺。日月照臨。有明暗隱顯。江河流注。有高下雍決。明王治世。有君臣禮樂賞罰。佛法在世。有頓漸權實。有結有解結也。四月十五。十方法界。是聖。是凡。是草。是木。以拂子左邊敲云。從者裏一時結舉拂子云。總在拂子頭上還見麼。乃喝云解也。七月

0 1 2 3 4 5 6 7 8 9 10 11 12 13 14 15 16 17 18 19 20

十五丈同但以拂子右邊敲云。向者裏一時解還見
麼。乃喝云。祇如四月十五已前。七月十五已後。且道
是結是解。舉拂子云。總在拂子頭上還見麼。
泐潭英閱華嚴十明論。至爲真智慧無體性不能自
知無性。故爲無性之性。不能自知無性。故名曰無明。
華嚴第六地曰。不了第一義故。號曰無明。將知真智
慧本無性。故不能自了。若遇了緣而了。則無明滅矣。
是爲成佛要門。

黃龍新示衆云。空谷傳響。時時聞於未聞。色裏呈真。
處處見而無見。見旣無見。聞所未聞。喚作無盡藏。三
昧門。神通門。智慧門。解脫門。若能如是知見。信解。修
證悟入。我說是人達佛心宗。入佛知見。既是入佛知
見。爲是能見。見爲是所見。見若是所見。見且以何爲
能。若是能見。見且以何爲所。若作能所二見。俱非佛
乘。作麼生是佛乘。是以如來非智巧智者。必以如來
爲宗。祖師非妙得妙者。必以祖師爲旨。

兜率悅謂張無盡曰。叅禪只爲命根不斷。依語生解。
如是之說。公已深悟。然至極微細處。使人不覺不知。
墮在區宇中。遂作頌證之云。等閒行處。步步皆如。雖
居聲色。寧滯有無。一心靡異。萬法非殊。休分體用。莫

擇精麤。臨機不礙。應物無拘。是非情盡。凡聖皆除。誰得誰失。何親何疎。拈頭作尾。指實爲虛。翻身魔界轉
脚邪塗。了非逆順。不犯工夫。經云。如此顛倒首尾相換。

僧問古塔主。如何一言之中。須具三玄三要。古曰。空
空世界。本自無爲。隨緣應現。無所不爲。所以虛空世
界萬像森羅。四時陰陽。否泰八節。草木榮枯。人天七
趣。聖賢諸佛。五教三乘。外道典籍。世出世間。皆從此
出。故云。無不從此法界流。究竟還歸此法界。楞嚴曰。
於一毫端現寶王刹。坐微塵裏轉大法輪。故知萬法
本無攬真成立。真性無量理不可分。到此境者。一法

一塵一色一聲。皆具周徧含容四義。理性無邊。事相
無邊。參而不雜。混而不一。何疑。一語之中。不具三玄
三要耶。

洪覺範住清涼舉楞嚴鼻喚旃檀義曰。入此鼻觀。親
證無生。又智度論。聞者云。何聞。用耳根聞耶。用耳識
聞耶。用意識聞耶。若耳根聞。耳根無覺識知故。不能
聞。若耳識聞。耳識一念故。不能分別。不應聞。若意識
聞。意識亦不能聞。何以故。先五識識五塵。然後意識
識能識。現在五塵者。盲聾人亦應識聲也。何以故。意
識不破。故師曰。究此聞塵。則合本妙。既證無生。又合

80

1 2 3 4 5 6 7 8 9 90

1 2 3 4 5 6 7 8 9 100

1 2 3 4 5 6 7 8 9 100

本妙畢竟是何境界。良久曰。白猿已叫千巖晚碧縷初橫萬象鑪。○宗鏡曰。雖然心即是業。業即是心。既從心生還從心受。如何現今銷其妄業報答。但了無作。自然業空。所以云。若了無作惡業。一生成佛。又曰。雖有作業而無作者。即是如來秘密之教。又凡作業。悉是自心橫計外法。還自對治妄取成業。若了心不取境。境自不生。無法牽情。云何成業爲作偈釋曰。舉手炷香而供養佛。其心自知。應念獲福。舉手操刃恣行殺戮。其心自知。死入地獄。或殺或供。一手之功。云何業報。罪福不同。皆自橫計。有如是事。是故從來枉。

沈生死雷長芭蕉鍊轉磁石俱無作者而有是力。心不取境。境亦自寂。故如來藏不許有識。○楞嚴曰。汝元不知一切浮塵諸幻化相當處出生隨處滅盡涅槃云。譬如猛火不能燒薪。火出木盡。名爲燒薪般若燈論云。根境理同。然智者何驚異。衲子於此見徹方入阿字法門。○道明上座見六祖於大庾嶺上。旣發悟曰。此外還有密意也無。祖曰。我所說者非密意也。一切密意盡在汝邊。釋迦於然燈佛所。但得授記而已。如有法可傳。則卽付與之矣。阿難亦嘗猛省曰。將謂如來惠我三昧。前聖語訓具在。可以鏡心不然。香

80

90

100

90

嚴聞擊竹聲。望鴻山再拜。保壽隔江見德山。卽橫趨

而去。何以密耳語哉。

三祖商那和修尊者語優波鞠多曰。如是五百三昧汝皆當知。如來三昧辟支不識。辟支三昧羅漢不識。吾師阿難三昧卽我不識。今我三昧汝豈識乎。是三昧者心不生滅。住大慈力遍相恭敬。其至此者乃可識之。

△鴻

山問香嚴聞汝一問則能十答我問汝父母未生前試道一句嚴屢答不契乞鴻代答一語鴻曰我道得是我之三昧與汝有何交涉。

○入大乘

論曰。諸法體相。世間現見云何。言無耶。曰。凡愚妄見。

此非可信。生滅之法皆悉是空。生滅流轉無暫停時。相似相續故妄見有實。猶如燈燄。念念生滅。凡夫愚人謂爲一燄。蓋一切諸法念念滅絕而今現見者。相似相續故首楞嚴曰。諦觀法法何狀。則知但自燈明。

法自無暗。明暗俱空。無作無取。明若有作。不應客暗。暗若可取。不應受明。今觀夜室之暗。何自而來。忽有燈燄。暗何所往。石頭曰。當明中有暗。以明無作。故當暗中有明。以暗無取故。○楞嚴尊頂法論云。於此特言真發明性。則亦有妄發明性乎。曰。有之。曰。何以辨之。曰。任運徧知。本妙而常寂者。真發明性。所謂十方如來。同一道。故出離生死。皆以直心。是也。違時失候。妄覺而強知者。妄發明性。所謂用諸妄想。此想不真。故有輪轉是也。本一體也。以無性無時故。隨所用之有異耳。任運常寂而知。則合本妙。違時失候而覺。則

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

合妄塵。馬鳴曰。本性清淨無明不覺。染心相現。雖有染心性。常明潔。染心之相。卽現行無明。明潔之性。卽不動智體。有僧問雲庵。雜華論稱現行無明。卽是如來不動智。此實難信。如何得解。有童子方埽地。庵呼之童子回首庵曰。非不動智乎。又問如何是汝佛性。童子左右視。罔然而去。庵曰。非現行無明乎。真發明性。譬如明珠之光。常自照珠。孔子曰。思無邪。近之矣。妄發明性。譬如東方將旦。澄滓之間。已有精色。易曰。蒙雜而著。近之矣。仰山云。若有僧來。卽召云某甲。僧迴首乃云。是甚麼。待伊擬議。向道。非唯業識。茫茫亦乃無本可據。鴻曰。善哉。萬松云。雲庵呼埽除童子。仰山召僧回首。正是者個時節。童子。

惘然與擬議不別。無明住地煩惱業識。茫茫亦同。雲庵仰山勘僧驗人。剋的如此。

清涼普明和尚云。如是之法。不假修而自就。不假得而自圓。一切現成名不動地用。而非有不用。非無體。含妙用。應備無爲。心無自性。觸事全彰。不動道場。偏十方界。如斯境界。畧暫回光。背覺合塵。妄爲影事。此事意。如王大路。行之卽是假使。不行亦在其路。五祖演上堂云。目犍連雙足越坑大迦葉聞琴起舞。畢陵訶罵河神。迦留陀夷埋身糞壤。敎中一一有出處。總道是習氣祇。如祖師門下達磨面壁。秘魔擎杖。香山打鼓。石葦蠻弓。雪峰輦毬。國宗水枕。歸宗拽石。

80

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

德山不問便棒。臨濟入門便喝。無業才有人問。便道妄想。且道是個什麼。衆中久參大德。具頂門上眼的衲僧出來爲白雲證據也。

佛眼云。佛弟子目連迦葉等。是習氣是妙用。擎杖打地。豎拂敲床。睦州一向閉門。魯祖終年面壁。是爲人不是爲人。信知一切凡夫。理沒寶藏。諸人何不擺杖揚帆。拋江過岸。不可釘椿搖櫓。何日到家。

佛眼清遠師云。現今山河相對。刹土從橫。分別思惟千差萬別。怎生說个是你底道理者裏。若不了。一切處疑塞殺人。祇爲歷劫循塵爲物所轉。你試拈來。那

個是物。何者是你。僧問玄沙。乞師指個入路。沙云。還聞偃溪水聲麼。云聞沙云。從者裏入人。不明了。祇管

道心性周徧。更是誰聞。如此言論。有何交涉。○不見祖師道。風鳴耶。鈴鳴耶。便好休歇也。更煩他道。非風鈴鳴。乃心鳴耳。你更討甚麼參請。乃至此土。道非風旛動。仁者心動。祖師恁麼印證。因何不會。祇爲個能。所以道。因明立所。所既妄立。生汝妄能。無同異中。熾然成異。○諸人舊時曾到處。忽然思量著。一一在目前。爲將眼見爲將心見。若道將眼見思量。舊時到處如何是眼見。若道是心見。心豈有見耶。現今目前。燈籠露柱。是心見耶。是眼見耶。世尊道。從本已來。非心非眼。且道是个甚麼。○明來暗謝。智起惑亡。正當

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

明時暗向甚麼處去。祖師道。祇者明便是暗。明暗觀體不可得。黑地裏行時爲什麼脚高脚低。○一切衆生眼見耳聞者裏有个指示人處。道即此見聞非見聞。問正當見聞時作麼。生見得非見聞。師云忽然被人稱名道姓喚你一聲時。你去者裏還入得麼。○眼不至色。色不至眼。聲不至耳。耳不至聲。法法皆爾。元是自心功德藏無可得取捨。此正是那伽大定也。大慧語錄云。衆生迷已逐物。耽少欲味。甘心受無量苦。逐日未開眼。未下牀時。半惺半覺時。心識已紛飛。隨妄想漂蕩矣。作善作惡。雖未發露。未下牀時。天堂

地獄在方寸中。已一時成就。及待發時。已落在第八佛不云乎。一切諸根。自心現器身等藏。自妄想相施設顯示。如河流。如種子。如燈。如風。如雲。剎那展轉壞躁動。如猿猴樂不淨處。如飛蠅無厭足。如風火無始虛偽習氣。因如汲水輪等事。於此識破。喚作無人無我智。天堂地獄只在當人半惺半覺未下牀時方寸中。並不在別處。發未發。覺未覺時。切須照顧。○佛云。是法非思量分別之所能解。永嘉云。損法財滅功德。猛著精彩。把者个來爲先鋒。去爲殿後底。生死根本。

一刀砍斷方是出頭時節。正當恁麼時。方用得口議。
 心思著。何以故。第八識既除。生死魔無處棲泊。生死
 魔無棲泊處。則思量分別的渾是般若妙智。更無毫
 毫髮爲我作障。所以道。觀法前後。以智分別是非審定。
 不違法印。○心火熾然。熠熠不息。貪欲嗔恚癡繼之。
 如鈎鎖連環。相續不斷。若無猛烈志氣。日月浸久。不
 覺被五陰魔所攝持。若能一念緣起無生。不離三毒。
 倒用魔王印驅諸魔侶。以爲護法善神。且非強爲法。
 如是故。○如水潦和尚因採藤次。問馬祖曰。如何是。
 祖師西來意。祖曰。近前來向你道。水潦纔近前。馬祖

當胸一踢。踢倒水潦忽然大悟。不覺起來。呵呵大笑。
 祖曰。你見个甚麼道理。潦曰。百千法門無量妙義。只
 在一毛頭上。便識得根源去者。个教中謂之入流亡。
 所所入既寂。動靜二相了然不生。纔得个入處。便亡。
 了定相定相既亡。不墮有爲。不墮無爲。動靜二相了
 然不生。便是觀音入理之門。他既悟了。便打開自己
 庫藏。運出自已家珍。乃曰。百千法門云云。又呵呵大
 笑。馬祖知他已到者个田地。更不采他。亦無後語。後
 來往水潦庵。纔舉揚便賣者。一踢云。自從一喫馬師
 踢。直至而今笑不休者。个便是第一个人入流亡所動。

靜二相了然不生底樣子。又雲門問洞山近離甚處。山曰查渡門曰夏在何處。山曰湖南報慈門曰幾時離彼。山曰八月二十五門曰放你三頓棒。古人淳朴據實祇對我此回實從查渡來有甚麼過便道放我三頓棒大丈夫漢須共者老漢理會始得明日便去問曰昨日蒙和尚放三頓棒未審過在何處門曰飯袋子江西湖南便恁麼去山忽然大悟更無消息可通亦無道理可拈便禮拜而已既悟了便曰他後向無人烟處住个草庵不蓄一粒米不種一莖菜接待十方往來盡與伊出郤釘拔郤楔拈郤炙脂帽子脫郤鶲臭布衫教伊灑灑地作个衲僧豈不俊哉門曰你身如椰子大開得許大口者个是第二個入流亡所動靜二相了然不生的樣子。又皝山晏國師在雪峰多年一日雪峰知其緣熟忽然攔住曰是甚麼晏釋然了悟唯舉手搖曳而已峰曰子作道理耶晏曰何道理之有楊大年收在傳燈錄中謂之亡其了心者个是第三個入流亡所動靜二相了然不生底樣子。又灌溪和尚一日見臨濟濟下繩床纔擒住溪便云領領者个是第四个入流亡所動靜二相了然不生底樣子。○善財方於樓閣之前早已讚嘆許多殊

80 1 2 3 4 5 6 7 8 9 100 1 2 3 4 5 6 7 8 9 100

勝之事然未能得入乃白彌勒菩薩言。唯願大聖開樓閣門令我得入時彌勒菩薩前詣樓閣彈指出聲其門卽開命善財入善財心喜入已還閉閉時如何便是觀音入流亡所底消息古聖得了便於得處滅郤生滅心亦不住在寂滅地謂之寂滅現前於寂滅地獲二殊勝云云所謂典慈運悲救援惡道是也衆生爲不覺故輪轉惡道先覺之士若無慈悲如何得衆生界空信知佛恩難報。

萬松老人云福州羅山道閑禪師先問石霜起滅不停時如何霜云直須寒灰枯木去一念萬年去函蓋相應去純清絕點去山不契往問巖頭頭喝云是誰起滅山於此有省羅山問處天下人榜樣而今初機往往在者裏作活計水上捺爪相似伏斷煩惱智覺道莫與心爲伴無心心自安若將心作伴動卽被心謾伴卽伴妄心無亦無妄心祖師西來直指人心見性成佛豈是教你普州人送賊認奴作郎來羅山問處迷真執妄巖頭咄處卽妄卽真若是萬松咄了便休真妄向上有事在楞嚴經阿難言卽能推者我將爲心佛言咄阿難此非汝心阿難瞿然避席合掌起立白佛此非我心當名何等此咄如金剛王寶劍巖

頭一喝。如踞地師子。全威大用。不欺之力也。

海印云

十九年。唯向阿難施此一咄。如金剛王寶劍實能勸絕命根。阿難向執緣心故。今被喝乃瞿然向佛。

萬松曰。人皆謂天地生人。謂之三才。佛教反以人生天地。所以三界唯心。萬法唯識者。裏打做一團。鍊做一塊。周法界無表裏。楞嚴經佛告阿難。汝觀地性。麤爲大地。細爲微塵。至鄰虛塵。析彼極微色邊際。相七分所成。更析隣虛。卽實空性。萬松常舉信心銘。極小同大。忘絕境界。極大同小。不見邊表。○有道士問萬松曰。弟子三十餘年。打疊妄心不下。松曰。我有四問全似全真。一問妄心有來多少時也。二問元來有妄。

心不。三問妄心作麼生斷。四問妄心斷卽是。不斷即是。其人拜謝而去。黃山趙文孺親覲圓通善國師。嘗作頌曰。妄想元來本自真。除時又起一重塵。言思動靜。承誰力。子細看來無別人。○陳秀玉學士嘗問萬松彌勒菩薩爲甚麼不修禪定。不斷煩惱。松曰。真心本靜。故不修禪定。妄想本空。故不斷煩惱。士復問香山大潤和尚。潤云。禪心已定。不須更修。斷盡煩惱。不須更斷。復問竹林海巨川。曰。本無禪定煩惱。士曰。惟此爲快耳。

屏山李純甫曰。如人初夢。一剎那頃。根身器界。異類。

衆生一時頓現種種各別。一念力頓成就無量境界。覺人呼覺始知夢中元無我人衆生壽者諸相亦無地水火風等物畢竟虛空唯依第六意識以爲根本。然則覺人所見山河大地十二類生并自身相唯依第八業識有大覺者開說真空始知長夜宛如大夢等無有異。

中峰和尚云。楞嚴謂狂心未歇。歇卽菩提。華嚴謂了知盧舍那。自性無所有者是如來禪。少林直指未必如此親切。有人於此說下。痛快領畧。督轉狂心返照自性。便爾歇去。不真何待。昔僧謁玄沙。乞指个入路。

沙問還聞溪水聲不。曰聞。沙曰從者裏入。僧領悟。非痛快領畧而何。當知狂心苟不自歇。雖佛如來具千萬億種不測神變。乃至旋乾轉坤。碎山竭海。不勞神力。獨不能與衆生歇狂心於俄頃。此事苟非當人自肯休。自肯歇。自肯超越。自肯照了。則自性盧舍那萬劫不得歸家穩坐。且今日歷盡諸趣。備受毒楚。尚不肯痛自歇心。一念狂情。馳逐諸妄。與生死根種。念文接復。不知更待何時。有自休自歇。自超自越。自照自了之日也。於乎惜哉。

紫柏和尚云。楞嚴云妙觸宣明。此語開剖本光無剩。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

學人當面蹉過。昔有堂頭問僧。隔壁聽釵釧聲。卽破戒戒作麼持。僧云。好个入路。由是而觀在身爲妙觸。宣明在耳爲妙聲。宣明一根既爾。何根不然。又四祖年十四。參粲大師。願和尚與个解脫法門。粲曰。解脫則且止。卽今誰縛汝。信遂大悟。古云。磕著撞著。無非入路。良不我欺也。○吾讀楞嚴始悟聖人會物歸已之旨。而古人有先得之者。則曰。若人識得心。大地無寸土。又曰。我今見樹。樹不見我。我見何見。○舉吾不見時。何不見吾不見之處一段。師曰。大慧禪師問禮侍者竹箆。語不省。向他道。你是福州人。且如將名品。

荔枝和皮殼。一時剝了。以手送在你口邊。只是你不解吞。達觀燈下看此。不覺失笑。且道笑个甚麼。如薦得。不勞饒舌。旣薦不得。老漢爲汝說破。此段經如來爲阿難老婆心切至矣。何異妙喜和皮殼剝了荔枝。送在禮侍者口邊。只是他不解吞。大抵此事苟不到智訖。情枯之地。斷然承當不下。且道如何是智訖情枯的樣子。咄。泥牛夜半歸來遠。踏破前峰萬頃雲。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9 100

持不幾箇舌。遇難不畏。失與為友。無所。與聲吸來。
 猶吞毒。躋登不貴。不費一笑。且歡笑。个其類。吸盡。
 蒸妙味。安處一劫。承丁以手。致五朴口。數只是。不

首楞嚴經疏解蒙鈔卷末五錄

卷七

海印弟子蒙叟錢謙益集

佛頂宗錄第五

二參會公案

富樓那問佛清淨本然云。何忽生山河大地。○琅琊
 覺云。老僧卽不然。清淨本然云。何忽生山河大地。
三界有悟。後十方無。○薦福信云。先行不到末後太過。○五祖
 演云。金屑雖貴。落眼成翳。○佛眼達云。旣生山河大
 地。如何得復清淨本然。旣復清淨本然。云何却見山
 河大地。大眾如何卽是。良久云。水自竹邊流去。冷風

從花裏過來香。○淨因成禪師上堂拈拄杖云清淨本然云何忽生山河大地看看富樓那穿過釋迦老子鼻孔釋迦老子鑽破虛空肚皮且道山河大地在甚麼處擲下拄杖云虛空翻筋斗向新羅國去也是你諸人切忌認葉止啼刻舟求劍○僧問韶國師一切山河大地自何而起師云此問從何而起一人發真歸元十方虛空悉皆消殞○五祖演云一人發真歸元十方虛空築著磕著○佛性泰云若是德山卽不然一人發真歸元十方虛空只是十方虛空○慧明道人問彥上坐從上先德有得悟者無曰

有師曰。一人發真歸元。十方虛空悉皆消殞。舉手指曰。只今天台山巋然。如何得消殞去。彥俊辨自負。瞪目遁去。○佛眼遠云。從前先聖。豈不發真歸元。如何十方虛空。至今尚在。又云。漚滅空本無。況復諸三有。幻漚既滅。虛空殞無。三有衆生。從茲殄瘁。四生九類。如何得無。當知虛空生汝心內。猶如片雲點太清裏。○僧問雲門。混沌未分時。如何。師云。露柱懷胎。云分後。如何。師云。如片雲點太清。云太清還受點也。無師不對。詳見宗旨若能轉物。卽同如來。○僧問破竈墮。物物無形時。如

當知虛空生汝心內。猶如片雲點太清裏。○僧問雲門混沌未分時如何。師云。露柱懷胎。云分後如何。師云。如片雲點太清。云太清還受點也。無師不對。詳見宗旨

何墮曰禮卽惟汝非我不禮卽惟我非汝僧禮謝墮曰本有之物物非我也所以道心能轉物卽同如來○舉雪峰云盡大地是你將謂別更有雲門云不見楞嚴云衆生顛倒迷已逐物若能轉物卽同如來若被物轉卽名凡夫卽如昇元閣作麼生轉○僧問韶國師如何是轉物卽同如來師曰汝喚甚麼作物曰恁麼則同如來也師曰莫作野干鳴○僧問石門慈照若能轉物卽同如來未審山門佛殿如何轉師云我向汝道汝還信麼云和尚誠言安敢不信師

云者漆桶

僧問延慶傳殷師若能轉物卽同如來未審轉甚麼物師曰道甚麼僧擬議進語師曰漆桶

○僧問谷隱聰禪師若能轉物卽同如來萬象

是物

如何轉得聰曰吃了飯無些子意智若有意智卽爲物轉也○僧問岑和尚如何轉得山河國土歸

自己去

師曰如何轉得自己成山河國土去曰不會

師曰湖南城下好養民米賤柴多足四鄰僧無語師示偈曰誰問山河轉山河轉向誰圓通無兩畔法性

本無歸

趙州云汝被使老僧使得十二時辰

如我按指海印發光○鴻山忠道者閱楞嚴經次問

東明遷如我按指海印發光佛意如何遷云用按指

作麼云汝暫舉心塵勞先起又作麼道遷云亦是海印發光。

一切世間諸所有物皆卽菩提妙明元心○栴檀益上堂舉此云石脾入水卽乾出水卽溼獨活有風不動無風獨搖。

不在內不在外不在中間○僧問歸省禪師未審在甚麼處師云南斗六北斗七。

此大講堂至又觀清淨○雪竇顯云慚愧釋迦老子說甚還與不還文殊堂裏萬菩薩到處覓不得元來揔在者裏靈利漢一見便請杓折柱杖。

吾不見時何不見吾不見之處若見不見自然非彼不見之相若不見吾不見之地自然非物云何非汝○雪竇示衆舉此經云阿難意道世界燈籠露柱皆有名相亦要世尊指出此見精明元喚作甚麼物願令我見佛意我見香臺時你作麼生阿難云我亦見香臺卽是佛見處佛言我見香臺則可知我若不見香臺時你作麼生見阿難云我亦不見香臺卽是見佛不見處佛言汝云不見自是汝知他人不見處汝如何得知古人云到者裏只可自知與人說不得佛

云若道認見爲有物未能拂迹吾不見時如羚羊挂角聲響蹤迹氣息都絕你向什麼處摸索經意初縱

80

90

100

110

120

破後奪破雪竇出教眼頌亦不頑物亦不頑見與不見只須見佛也△天童云有見有不見日午點燈無見無不見夜半潑墨若信見聞如幻醫方知聲色若空花且道教中還有衲僧說話麼

○虎丘隆謁圓悟入室悟問見見之時見非是見見猶離見見不能及舉拳曰還見麼隆曰見悟曰頭上安頭隆脫然契證悟叱曰見人甚麼隆曰竹密不妨流水過悟肯之○佛眼嗣竹庵和尚與伯父持一居士醉心楞嚴菴曰若離前塵有分別性正是生死根本士駭曰佛妄說耶菴曰佛固不妄約只今居士對面徵詰心果安在菴後上堂云見見之時見非是見見猶離見見

見不能及落萼有意隨流水流水無情送落萼諸可還者自然非汝不汝還者非汝而誰常恨春歸無覓處不知轉入此中來萬松云雪竇直頌見佛果單提佛不見處只可自知天童頌本此衲僧鼻孔長皆出教意外別具一隻眼古佛舌頭短○德山涓禪師上堂舉見見之時四句喝曰鯨吞海水盡露出珊瑚枝衆中忽有个衲僧出來道長老休寐語却許伊具一隻眼

如是見性是心非眼○相國崔公羣見如會禪師問曰師以何得會云以見性得會方病眼崔云既云見性其奈眼何會曰見性非眼崔稽首謝之法眼別云是相公眼

80

90

100

110

120

○雲巖作鞋次洞山近前曰乞師眼睛得麼。師云汝底與阿誰去也。曰良价無師曰設有汝向甚麼處著山無語。師曰乞眼睛底是眼不。山曰非眼。師便喝。此諸物象與此見精元是何物。○僧問延慶。殷見色便見心燈籠是色。那个是心。師曰汝不會古人意。如何是古人意。師曰燈籠是心。晦堂和尚云礙處非牆壁。通處沒虛空。若能如是會。心色本來同。拂子是色。那个是心。靈利漢才聞舉著隔牆見角。早知是牛。更若擬議思量。何啻千里萬里。

○此見及緣元是菩提妙淨明體。○雲峰悅云。祖師亦

云六根不惡還同正覺。乃二不會麼。直饒你向者裏叅見祖師了。更買草鞋行脚三千里外。也被翠巖換却眼睛了也。還有不甘的麼。○大鴻問仰山妙淨明心汝作麼生會。仰云山河大地。日月星辰。鴻云汝祇得其事。仰云和尚適來問什麼。鴻云妙淨明心。仰云喚作事得麼。鴻云如是如是。

妙性圓明離諸名相。○徐龍圖閱楞嚴至此告海昌遇禪師。佛意誠謂幽深。師云。你如何會。徐欲祇對。師以拂子便打。徐云和尚也無些子人情。師云。我若不打。你又堪作甚麼。却問黃龍釋迦老子。到者裏還有

出身處麼龍却打一拂子。師云且聽諸方斷著。
無相則無非無卽相有則在。云何無著。○張無盡
曰。昔支慾度云。但無心於萬境。萬境未嘗無詰。其所
談相似。今計肇師破云。此得在於神靜。失在於物虛
也。

當知十方無邊不動虛空。并其動搖地水火風均名
六大小性真圓融。皆如來藏本無生滅。○皓月供奉問
長沙岑曰。蚯蚓斷爲兩段。兩頭俱動。未審佛性在阿
那頭。沙曰。動與不動。是何境界。月曰。言不干典。非智
者之所談。祇如和尚言。動與不動。是何境界。出自何

經。沙曰。灼然言不干典。非智者之所談。大德豈不見
首楞嚴云。當知十方無邊不動虛空。并其動搖地水
火風均名六大小性真圓融。皆如來藏本無生滅。乃示
偈曰。最甚深。最甚深。法界人身便是心。逃者逃心爲
衆色。悟時刹境是真心身界。一塵無實相。分明達此
號知音。

本如來藏妙真如性。○雲際祖禪師問南泉摩尼珠。
人不識。如來藏裏親收得。如何是藏。泉云。王老師與
汝往來者是。祖云。不往來者。泉云。亦是藏。祖云。如何
是珠。泉召云。師祖。祖應諾。泉云。去汝不會我語。祖從

此信入。○圓通國師云。如今還有人信入麼。若有因
象到時光燦爛。若無離婁行處。浪滔天。○佛果云。盡
大地是如來藏。向甚麼處著珠。盡大地是摩尼珠。喚
甚麼作藏。天童云。永嘉歌云。如來藏裏親收得六般神用空不空。一顆圓光色非色。如何是藏。如何是珠。珠如放在汝掌中。指似與汝。既往來不往來。是藏喚應。不喚應俱是。

珠又何疑。

無非不非無是不是。○稠禪師云。一切外緣本無定
相。是非生滅。一切由心。若自性不生。誰言是非能所。
俱無諸相恒寂。○龍濟修山主云。是柱不是柱。非柱
不見柱。是非已去了。是非裏薦取。雷菴受云。文殊問諸物象。與此見精。

元是何物。欲請如來揀定。是非是義昭然示之。如來亦欲令大眾親證見與見緣。元是菩提妙淨明體。於中無有是非二相。卽顧問文殊。如汝文殊等。文殊告云。我真文殊等。而如來復宣明曰。但一月真乃至。是月非月。譬如擊塗毒鼓。遠近聞者皆喪。昔修山王嘗曰。是柱不是柱。云云。此老垂慈之至。與先聖無少異。未知學者。若爲契會。

若復因此際會道成所得密言。還同本悟。則與未聞
無有老別。○百丈懷海和上。因撥火示鴻山靈祐。因
茲頓悟。百丈謂曰。此乃暫時岐路耳。經云。欲見佛性。
當觀因緣時節。時節既至。如迷忽悟。似忘忽憶。方省
舊道已物。不從他得。是故祖師云。悟了同未悟。無心
得無法。汝今既爾。善自護持。鴻山謂香嚴曰。汝在百

80 1 2 3 4 5 6 7 8 9 10 1 2 3 4 5 6 7 8 9 10 1 2 3 4 5 6 7 8 9 10

丈先師處問一答十。此是汝聰明靈利意解識想生死根本。父母未生時試道一句看。師被一問。直得茫然將平日看過文字。從頭要尋一句酬對。竟不能得。屢乞山說破。山曰。我若說似汝。汝以後罵我去。我說底是我底。終不干汝事。師遂將所看文字燒却。辭歸南陽。一日芟除草木。偶拋瓦礫。擊竹作聲。忽然省悟。沐浴焚香遙禮鴻山。曰。和尚大慈恩踰父母。當時若爲我說破何有今日之事。○石頭遷曰。寧可永劫受沈淪。不從諸聖求解脫。

不如一日修無漏業。○楚南禪師上堂設使解得三

世佛教如餅注水。及得百千三昧。不如一念修無漏道。免被天人因果擊絆。問如何修。曰。未有闍黎時體取。曰。未有某甲時教誰體。南曰。體者亦無。

昔本無迷似有迷覺。○忠國師問紫璘供奉。佛是何義。云。是覺義。師云。佛曾迷不。曰。不曾迷。師曰。用覺作麼。

聞實云。無誰知無者。○秦王判涅槃論曰。若無聖人知無者誰。○妙喜云。今人參禪怕落空。只者怕落空的。還空得麼。經云。聞實云。無誰知無者。○明暗色空。○天聖道禪師上堂。日月繞須彌。人間分。

晝夜南閭浮提人祇被明暗色空留礙。且道不落明暗色空一句作麼生道。良久曰。桺色黃金嫩。梨花白雪香。

譬如琴瑟箜篌雖有妙音。若無妙指。終不能發。○保寧勇上堂舉此文拈拄杖云者。个且非琴非瑟。有大妙音。衆中莫有妙指者麼。試請一發看。若無保寧自家品弄去也。橫按拄杖云還聞麼。良久云。一堂風冷淡。千古意分明。

設入大火。火不能燒。大水所漂。水不能溺。○僧問保福。如何是入火不燒。入水不溺。福曰。若是水火。卽被

焚溺。

從無始來逃己爲物。○鏡清忿問僧。門外甚麼聲。曰雨滴聲。師曰。衆生顛倒。逃己逐物。曰。和尚作麼生。師曰。洎不逃己。曰。洎不逃己。意旨如何。師曰。出身猶可易。脫體道應難。雲竇頌云。虛堂雨滴聲。作者難謂曾入流依前還不。會會不會。南對

轉滂沛。

由汝無始。至於今生認賊爲子。○天童略舉云。若能推底。是汝心。則認賊爲子。修山主云。若能推底。不是汝心。則認子爲賊。天童拈云。如今推也是子。是賊。買帽相頭。去魚食骨。

身心圓明不動道場。○佛語文殊汝坐道場乎文殊師利言一切如來不坐道場我今云何獨坐道場何以故現在諸法坐實際故。釋曰若如是解者未必是道場是不坐道場矣何以故道場等不出實際故。

因明立所所既妄立生汝妄能○法眼問百法座主百法是體用雙陳明門是能所兼舉座主是能法座是所作麼生說兼舉

虛空云何隨汝執捉○石輦問虛堂汝還解捉得虛空麼堂曰捉得輦曰作麼生捉堂以手撮虛空輦曰汝不解捉堂却問師兄作麼生捉輦把西堂鼻孔拽

堂作忍痛聲曰大煞拽人鼻孔直欲脫去輦曰直須恁麼捉虛空始得

松直棘曲鵠白烏玄○洞山聰禪師上堂教山僧道甚麼卽得古卽是今今卽是古所以楞嚴經道松直棘曲鵠白烏玄還知得麼雖然如是未必是松一向直棘一向曲鵠便白烏便玄洞山道者裏也有曲底松也有直底棘也有玄底鵠也有白底烏久立如第二月誰爲是月又誰非月○雲巖埽地次道吾云太區區生巖云須知有不區區者吾云恁麼則有第二月也巖提起掃箒云者箇是第幾月玄沙云正月是第二月

長慶稜問玄沙云。被他倒轉掃箒攔面撼。又作麼生。沙休去雲門云。奴見婢殷勤真如云。將勤補拙。

曹山僧問古人有言。盡大地惟有此人未審是甚麼人。師云不可有第二月去也。云如何是第二月。師云也要老兄定當。云作麼生是第一月。師云嶮。○安國球問玄沙。如何是第一月。沙曰。用汝个月作麼。球言下大悟。○僧問法眼和尚。如何是第二月。曰森羅萬象。曰如何是第一月。曰森羅萬象。○宗鑑達云。見聞覺知思量分別。一見便見。無第二月。又云。拈鬢示衆空自點眉。微笑破顏落第二月。

彼人因指應當看月。○玄沙和尚示衆云。世尊道吾

有正法眼藏。付囑大迦葉。猶如畫月。曹溪豎拂。猶如指月。時鼓山出衆云。月擊師云者。个阿師就我覓月。山不肯。却歸衆云。道我就他覓月。未識月在諸人要識月麼。○有僧問法眼。指卽不問幸無偏照處。剛有未明人。○有僧問法眼。指卽不問。如何是月。眼曰。那个是汝。不問底指。又僧問。月卽不問。如何是指。眼曰。月。僧曰。學人問指。和尚爲什麼對月。眼曰。爲汝問指。

於毛端現寶王刹。坐微塵裏。轉大法輪。○圓照上堂舉此。拈起拄杖曰。者个是塵作麼。生說个轉法輪底道理。山僧今日不惜眉毛。與諸人說破。拈起也。海

水騰波須彌峩谷放下也四海晏清乾坤肅靜敢問
諸人拈起即是放下即是當斷不斷兩重公案擊禪
床下座尼妙摠上堂向上一路千聖不傳學者勞形如猿捉影山僧今日與此界他方佛祖山河大地草木叢林現前四衆各轉大法輪交光相羅。如寶絲網若一草一木不轉法輪則不得名爲轉大法輪所以道於一毛端乃至大中現小等不動步遊彌勒樓閣不返聞入觀音法門情與無情性相平等。不是神通妙用亦非法爾。如然於此個儻分明皇恩佛恩一時報足。

十方薄伽梵一路涅槃門○僧舉問乾峯和尚未審路頭在甚麼處峯以柱杖一畫云在者裏萬松云天方無籬落從本來元沒遮攔四面亦無門只者裏便是入處所以乾峰一畫云在者裏喚作乾峰與僧指路又道與他畫斷。僧舉似雲門門拈起扇子云扇子決不是者个道理。

跨跳上三十三天築著帝釋鼻孔東海鯉魚打一棒雨似盆傾會麼黃龍南云乾峰一期指路曲爲初機雲門乃通其變故使人不倦者僧不用指陳雲門休打骨董自然東海鯉魚築著帝釋鼻孔

○雲門云你若不識大唐國裏人在你眼睫裏賣香藥又云者个是屋上頭是天手裏是柱杖作麼生是涅槃門法雲秀以手空中一畫喝云九流于是乎交歸衆聖于是乎冥會乃知新羅高麗南番日本西天此土十方世界一切人民盡在諸人鼻孔裏叫鬧鬧東頭買賤西頭賣貴諸人還聞麼若不聞還我耳朵來○僧問雲門薄伽梵卽不問如何是一路

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

涅槃門。師云。我道不得。云和尚爲甚麼道不得。師云。
 你舉話卽得。○道吾和尚示衆古今日月依舊山河
 若明得去。十方薄伽梵。一路涅槃門。若明不得。謗斯
 經故。獲罪如是。○僧問應乾禪師。十方薄伽梵。一路
 涅槃門。未審路頭在甚麼處。師曰。踏着石頭硬似鐵。
 僧云。還許學人進步也無。師曰。點滴依前落。三

出

燈錄

歸元性無二。方便有多門。聖性無不通順逆皆方便。
 ○雲峰悅云。所以道不浪隨功涉位。經有經師論有
 論。至你道衲僧門下。還有者箇消息麼。良久云。一言

既出駟馬難追。○枯木成禪師上堂。歸元性無二。方
 便有多門。但了歸元性。何愁方便門。諸人要會歸元
 性。麼露柱將來作木杓。旁人不肯任從伊。要會方便
 門麼。木杓將來作露柱。撐天柱地也相宜。且道不落
 方便門一句。作麼生道。三十年後莫教錯舉。

妙湛摠持不動尊頂楞嚴王世希有。○五祖演云。大
 衆若作禪會。則謗經。若作經會。則謗禪。若作一團則
 僂侗。有人跳得。日銷萬兩黃金。若跳不得。有處著你
 在。○泐潭準云。同異成壞。摠別三四五六七八。欲要
 隨流入流。無過先解此法。拈柱杖卓一下云。此法非

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

思量分別之所能解。若也分別落在衆生境界且道
不分別不思量是個甚麼擲下拄杖云妙湛揔持不
動尊頂楞嚴王世希有。

不歷僧祇獲法身。○僧問利山和尚。不歷僧祇獲法
身。請師直指。山曰。子承父業。曰。如何領會。山曰。貶刹
不施。曰。恁麼則大眾有賴去也。山曰。大眾且置作麼
生是法身。僧無對。山曰。汝問我與汝道。僧問如何是
法身。山曰。空花陽焰。○古德云。長者長法身。短者短
法身。天童拈云。且道舜若多神。喚什麼作法身。良久
云。還會麼。不可續鳬截鶴夷岳盈壑去也。

將此深心奉塵刹。是則名爲報佛恩。○鴻山舉臨濟
辭黃檗。檗喚侍者。將先師禪版拂子來。濟召侍者。將
火來。檗云。汝但將去。已後坐却天下。舌頭在。問仰山
云。臨濟莫孤負他黃檗也。無仰云。不然。鴻云。子作麼
生。仰云。知恩方解報恩。鴻云。從上莫有報恩事。不仰
云。有只是年代久遠。不欲舉似。鴻云。子但舉看。仰云。
楞嚴會上。阿難讚佛云。將此深心奉塵刹。是則名爲
報佛恩。豈不是報恩上事。鴻云。如是如是。見與師齊。
減師半德。見過於師。方堪傳授。○廣慧璉示衆佛法
本來無事。從上諸聖盡是捏怪強生節目。壓良爲賤。

埋沒兒孫。更有雲門趙州德山臨濟死不惺惺。一生受屈老僧者裏卽不然。便是釋迦老子出來也貶向他方世界舉未了。璉云。你若恁麼會入地獄如箭云。未審作麼生會。璉便打。僧擬議曰。會麼。僧云。不會。曰。山僧今日不避諸方檢責爲你說破。將此深心奉塵刹是則名爲報佛恩。○天衣懷示衆玄黃不真黑白何咎。六祖道葉落歸根來時無口。此个說話直入維摩丈室。在金色光中見十方世界四聖六凡。如觀掌中菴摩勒果。又見一類衆生寢生歟夜惛惛睡眠不覺。不知作金鷄報曉一聲令伊省寤。豈不快哉。若能利是則名爲報佛恩。

如是方可將此深心奉塵刹是則名爲報佛恩。○文峰說上堂。娑婆世界以音聲爲佛事。香積世界以香飯爲佛事。翠巖者裏祇於出入息內供養承事過現未來塵沙諸佛。無一空過者。過現未來塵沙諸佛。是翠巖侍者無一不到。諸上座還會麼。將此深心奉塵刹是則名爲報佛恩。

我見如來舉臂屈指爲光明拳。○趙州有時屈指云。老僧喚作拳。諸人喚作什麼。僧云。和尚何得將境示人。州云。我不將境示人。若將境示閻黎。即埋沒閻黎去也。云爭奈者。个何師便珍重。○雪峰一日伸手向

僧面前握拳云。盡乾坤若凡若聖。若男若女。若僧若俗。山河大地都揔在者。一握裏。○欽山遂見僧來伸手云。開卽爲掌。五指參差復握手云。握卽爲拳。必無高下。還有商量分也。無僧豎起拳。師云。汝只是个無開合漢。○黃龍心在室中。豎拳示僧云。喚作拳頭則觸。不喚作拳頭則背。未審喚作甚麼。○道場辨謁佛眼遠遠問從上祖師方冊因緣。許你會得。忽舉拳云者。个因何喚作拳。師擬祇對。遠築其口云。不得作道理。師頓去知見。遂作禮。遠云者。鈍漢師笑而趨出。○別峰印因圓悟問。從上諸聖以何接人。師豎起拳。悟

云。此是老僧用底作麼。生是從上諸聖用底。師以拳揮之。悟亦舉拳相交。大笑而止。

斯是如來無見頂相。無爲心佛。○世尊在忉利天。爲母說法。優填王命匠雕栴檀像。世尊下忉利天像亦出迎。世尊三喚三應。乃云無爲真佛實在我身。○無邊身菩薩將竹杖量世尊頂丈六了。又丈六量到梵天。不見世尊頂相。乃擲下竹杖。合掌說偈云。虛空無有邊佛功德。亦然。若有能量者。窮劫不可盡。○僧問百丈如何。丈曰。爲作有邊見。無邊見。所以不見。如來頂相。祇如今都無。一切有無等見。亦無無見。是名頂。

相見。○趙州云。如隔羅縠。

又答云。你
是閻黎。你

○問黃檗菩薩

云何不見頂相。答實無可見。無邊身菩薩便是如來。

不應更見。祇教你不作佛見。不落佛邊。不作衆生見。

不落衆生邊。不作有見。不落有邊。不作無見。不落無邊。不作凡見。不落凡邊。不作聖見。不落聖邊。但無諸見。卽是無邊身。若有見處。卽名外道。外道樂于諸見。

菩薩於諸見而不動。如來者。卽諸法如義。所以云彌勒亦如也。如卽無生。如卽無滅。如卽無見。如卽無聞。如來頂。卽是圓見。亦無圓見。不落圓邊。所以佛身無爲。不墮諸數。

如汝文殊更有文殊。是文殊者爲無文殊。○佛在竹園精舍。與大比丘衆結足安居。至自恣日。優波離尊者觀諸大衆。如海清淨。無有缺犯。惟有文殊師利菩薩。不樂所止之處。好游聚落。違犯禁戒。優波離具以白佛。欲擯出文殊佛曰。但擯得。便擯優波離。遂集衆鳴犍椎。左右上下。皆是文殊偏虛空界。一切之處。悉是文殊。世尊謂優波離。你欲擯那個文殊。優波離放下犍椎。禮拜懺悔。一云。纏佑椎。乃見百千萬億○寒拾問豐干。去五臺作恁麼干。曰。禮文殊山。曰。汝不是我同流。干獨遊五臺。逢一老人。問莫是文殊麼。老人

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

云。豈可有二文殊。干作禮。忽然不見。

趙州代于云。文殊文殊。

佛陀波利尊者遊五臺遇一老人問什麼處去云臺

山禮文殊去老人云大德見文殊還識麼者無對。

語溪文喜師遊五臺禮金剛窟感文殊示現後參仰

山充典座文殊常現於粥鑊上師以攬粥籠便打曰

文殊自文殊文喜自文喜

宗鏡引文殊師利偏巡五百比丘房皆見寂定最後難舍利弗廣顯性空無碍之理

五百比丘從座而起於世尊前唱言從今已後更不復見文殊身不復聞其名字如是方處應速捨離所

有文殊一切在處亦莫趣向所以者何文殊煩惱解脫等一相說故舍利弗令文殊爲決了文殊言實無文殊而可得故若實無文殊可得者彼亦不可見廣爲說法四百比丘得漏盡果一百比丘更謗陷入地獄後還得道所以無見是真見無聞是真聞不見不

聞文殊是真見
真聞文殊矣。

我於爾時乘白牙象分身百千皆至其處世尊因

普眼菩薩欲見普賢不能得見乃至三度入定偏觀三千大千世界覓普賢不能得見而來白佛佛云汝但於靜三昧中起一念便見普賢普眼於是纔起一念便見普賢向空中乘六牙白象

如寤時人說夢中事○舍利弗問須菩提夢中說六波羅蜜與覺時同異提曰此義深遠吾不能說會中有彌勒大士汝往彼問舍利弗問彌勒彌勒云誰是彌勒誰名彌勒

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

命終之後上升精微。○天親菩薩從彌勒內宮而下無著菩薩問曰人間四百季彼天爲一晝夜彌勒於一時中成就五百億天子證無生法忍未審說甚麼法天親曰祇說者个法祇是梵音清雅令人樂聞我於彼前現四天王身而爲說法○陸大夫與南泉行次見天王乃問天王居何地位泉曰若是天王卽非地位陸云聞說天王居初地是不泉云應以天王身得度者卽現天王身而爲說法

卽時阿難執持應器○世尊敕阿難食時將至汝當入城持鉢阿難應諾世尊曰汝旣持鉢須依過去七

佛儀式阿難問如何是七佛儀式世尊召阿難阿難應諾世尊曰持鉢去

跋陀婆羅忽悟水因○石梯和尚侍者請浴梯曰旣不洗塵亦不洗體汝作麼生者曰和尚先去某甲將皂角來梯呵呵大笑○佛果云旣不洗塵亦不洗體且道洗个什麼忽悟水因自然了當且道悟个什麼洗亦無所得觸亦無所得水因亦無所得若向个裏直下見得便是妙觸宣明成佛子住○僧問天蓋幽禪師有人問有禪院名無垢淨光爲甚麼却造浴室僧無語蓋代云三秋明月夜不是騁團圓天童頌云

欲會本來無垢的。莫須入水見長人。

從聞思修。入三摩地。○應庵華云。思是聞之本。聞是思之用。且道作麼生說个入的道理。青原白家三蓋酒。喫了猶道未沾脣。○普請鑊地次。忽有一僧。聞鼓鳴。舉鑊頭大笑便歸。百丈曰。俊哉。此是觀音入理之門。僧歸院喚問。適來見什麼道理。曰。適來肚飢。聞鼓聲歸喫飯。丈乃笑。○僧問歸宗和尚。初心如何得個入處。宗以火箸敲鼎。蓋三下。云。還聞不。僧云。聞。宗云。我何不聞。又敲三下。問。還聞不。僧云。不聞。宗云。我何以聞。僧無語。宗云。觀音妙智力。能救世間苦。林間錄云。觀音

悟圓通與歸宗間不聞之義無別。何也。初于聞中。入流云。所。所入既寂。動靜二相了然不生。動相不生。則世間生滅之法滅。靜相不生。則不爲寂滅所留係。此二中間。不住動相。亦不因靜相觀音所謂生滅既滅。寂滅現前也。

○僧問歷村和尚。如何是觀其音聲而得解脫。

師將火柴敲柴曰。還聞不。曰。聞。師曰。誰不解脫。○赤干行者聞鐘聲。問仰山。有耳打鐘無耳打鐘。師曰。汝但問莫愁我。答不得。曰。早个問了也。師喝曰。去。○僧問大陽漢禪師。如何是敲磕底句。師曰。檻外竹風搖驚起幽人睡。曰。觀音門大啓也。師曰。師子咬人。乃曰。聞聲悟道失却觀音眼睛。見色明心昧了文殊巴鼻。一出一入半開半合泥牛。昨夜遊滄海。直至如今。

80 1 2 3 4 5 6 7 8 9 100 1 2 3 4 5 6 7 8 9 100

不見回。○僧問玄沙。承和尚有言。聞性偏周於沙界。雪峰打鼓者裏爲甚麼不聞。沙曰。誰知不聞。○曹山車一日聞鐘聲。乃云阿唧阿唧。僧云。和尚作麼。師云。打著我心。○僧問雲門。生法師云。敲空作響。擊木無聲。如何。師以拄杖敲空云。阿唧阿唧。又敲板頭云。作聲麼。僧云。作聲。師云。俗漢。又敲云。喚甚麼。作聲。僧舉前問法眼。忽聞齊魚聲。謂侍者曰。還聞麼。適來若聞。如今不聞。如今若聞。適來不聞。會麼。△王肯堂曰。二老所標。一破根。一破塵。皆生公之義疏也。○法眼因四衆士女入院。問永明潛。律中道隔壁聞釵釧聲。卽名破戒。見覩金銀合雜。朱紫駢闐。是破戒。不是破戒。潛曰。好个入路。○

僧問道場訥禪師。如何得聞性。不隨緣去。師曰。汝聽看僧禮拜。師曰。聾人也。唱胡笳調。好惡高低。自不聞。曰。恁麼。則聞性死然也。師曰。石從空裏立。火向水中焚。○高僧釋法空。入臺山幽居。每有清聲。每夜必聞。有聲。召曰。空禪如是非。一自後。法空知是自心境界。自心之境。安以法遣之。遂乃安靜。智證傳云。楞伽言。召聞。有聲。召說。惟心以風幡相待。無有定屬。以無定屬緣生。則名無生。六祖所示見境。既爾。則空禪所悟。聞塵亦然。首楞嚴云。見聞如幻翳。乃至猶如夢中事者。詎不信夫。

觀世音菩薩。現八萬四千手眼。○陸亘大夫問南泉。大悲菩薩。甚處得許多手眼來。泉云。如國家用大夫。

作什麼

雪賣顯別云不及大夫所問
保寧勇別云也未爲分外

○道吾問雲巖

晟大悲千手眼那箇是正眼。晟曰如人夜間背手模

枕子。吾曰我會也。晟曰作麼生會。吾曰徧身是手眼。

晟曰道也太煞道。祇道得八成。吾曰師兄作麼生。晟

曰通身是手眼

萬松云有無日山人賣卜雨過泥塗著解白鞋入市人問汝無目如何泥

不汚鞋山人舉拄杖云拄杖頭上有眼以山人爲證夜間摸著枕子手上有眼喫飯時舌上有眼聽法識人耳中有眼蘇子瞻與聾人說話畫字而已復笑云我與彼皆異人也我以手爲口彼以眼爲耳佛言六根互用

信也。

由是六根互相爲用。○定慧信和尚問僧忠國師無

情說法南方尊宿如何商量僧云諸方皆至六根互

用信云教中道無眼耳鼻舌身意將甚麼用。○華

山一日問雲巖云聞汝解弄師子是不。曰是云。弄得

幾出。曰弄得六出云我亦弄得。曰和尚弄得幾出云

弄得一出。曰一卽六六卽七

林泉道古宿出辭吐氣與修多羅合故經云一

處成休復六

用皆不成

四大五陰。○趙州示衆未有世界先有此性。世界壞

時此性不壞。僧問承師有言。世界壞時此性不壞如

何是此性。州云四大五陰。曰此猶是壞底。如何是此

性。州云四大五陰。法眼云是一個。是兩個。是壞

不壞。且作麼生會試斷看

○玄

沙與天龍入山見虎龍云和尚虎曰是汝虎歸院龍

請益沙曰。娑婆世界有四種極重事。若人透得。不妨出得陰界。○僧問黃龍新如何是四大毒蛇。曰。地水火風如何是地水火風。曰。四大毒蛇。僧乞師方便。曰。一大既爾。四大亦同。○藥山因施主施襪。提起示衆。曰。法身還具得四大也無。道得與他一腰襪。道吾曰。性地非空。空非性地。此是地大。三大亦然。山曰。與汝一腰襪。○僧問大安。一切施爲是法身用。如何是法身。師曰。一切施爲是法身用。曰。離却五蘊。如何是本來。師曰。地水火風受想行識。曰。者个是五蘊。師曰。者个異五蘊。又問此陰已謝。彼陰未生時。如何。師曰。

此陰未謝。那個是大德。曰。不會。師曰。若會此陰。便明彼陰。○竺尚書問岑和尚。蚯蚓斬爲兩段。兩頭俱動。未審佛性在阿那頭。師曰。莫妄想。曰。爭奈動何。師曰。會卽風火未散。書無對。師喚尚書。書應諾。師曰。不是尚書本命。曰。不可離却。卽今祇對。別有第二主人。師曰。喚尚書作至尊得麼。曰。恁麼。總不祇對時。莫是弟子主人不。師曰。非但祇對與不祇對時。無始劫來。是個生死根本。示偈曰。學道之人不識真。祇爲從來認識神。無始劫來生死本癡人。喚作本來人。雷菴受曰
入三摩提處。若識主人面目。知其住處。魔將何所施力。世尊謂

80 1 2 3 4 5 6 7 8 9 100 1 2 3 4 5 6 7 8 9 100

阿難。若不識知心目所在。則不能降伏塵勞。是已古之宗師。皆自召曰。主人翁復自應之曰。諾。又曰。惺惺著他時。後日莫被人瞞。嗚呼。此可真爲善知識者也。△紫柏曰。衆生不知現前日用能分別好惡之心。是前塵影子。認爲本來人。此認一錯。千錯萬錯。淪墜長劫。從此起也。長沙岑曰。學道之人。不識真只爲從前認識神。神若緣境而有。則此識本自無體。若不緣境而有。則此識神境未觸。時本無窠臼。曰佛言。一切衆生皆由不知常住真心。用諸妄想。楞嚴常住真心。卽此本無窠臼者。是用諸妄想用字。卽此認字是。

六根六塵六識。○世尊因黑爪梵志運神力。以左右手擎合歡梧桐兩株來供養佛。召云。仙人梵志應喏。佛云。放下著。梵志遂放下左手一枝花於佛前。佛又召仙人放下著。梵志又放下右手一枝花。佛又云。仙人放下著。梵志云。我今空身而住。更教放下个什麼。

佛云。吾非教汝放捨其花。汝當放捨外六塵。內六根中六識。一時捨却。無可捨處。是汝免生死處。免生死死處。有本作放生梵志於言下得無生忍。○神鼎諹問僧。三界惟心。萬法惟識。惟識惟心。眼聲耳色。是甚麼人語。僧曰。法眼語師曰。其義如何。曰。惟心。故根境不相到。惟識。故聲色縱然。師曰。舌味是根境。不曰是師以筋夾菜置口中。含胡而語曰。何謂相入耶。僧不能答。○僧問石門照。師子是獸中王。什麼却被六塵吞。師云。須知六塵好手。○洞山行脚。次逢一婆擔水。師索水飲。婆云。水不妨飲。婆有一問。須先問過。且道水具幾塵。

師云。不具諸塵婆云去休汙我水擔。○問曹山沙門。豈不是大慈悲人。師曰是。曰忽遇六賊來時如何。師曰一劍揮盡。曰盡後如何。師曰始得和同。龍居士云。我我卽到處說。教人盡識汝使汝行路絕。你若盲伏我我卽不分別共汝一處住。同證無生滅。○中邑恩禪師因仰山問如何得見性。去師曰譬如一室有六牕。內有一獮猴外有獮猴從東邊喚猩猩。獮猴卽應。如是六牕俱喚。俱應。仰山禮謝起云。適蒙和尚警喻。無不了知。更有一事。只如內獮猴瞌睡外獮猴欲相見如何。師下繩牀執仰山手作舞云。猩猩與汝相見了。譬如蟻螟蟲在蚊子眼睫上作窠。向十字街頭叫喚云。地廣人稀。相逢者少。○僧問趙州。初生孩子還具六識也無。州云急水上打毬子。僧復問投子。急水上打毬子意旨如何。子云念念不留。雪竇顯頌云。六識無功伸一問。作家家會共辨來。端茫然急水打毬子落處不停誰解看。△經云。如急流水。望如恬靜流急。不見非是無流。湛入合湛歸。識邊際。華嚴云。譬如河中水湍流競奔逝。各各不相知。諸法亦如是。△曹山問僧。菩薩定中聞香象渡河。歷歷地出什麼經。僧云涅槃經。山云定前聞。定後聞。僧云和尚流也。山云灘下接取。

無痛痛覺。○保福見僧來以杖打露柱。又打僧頭。僧作忍痛聲。福曰。那个爲什麼不痛。僧無對。

卽覲與香。二處虛妄。○僧問海宴師。如何是古寺。一

80

90

100

90

鑪香師曰歷代無人覩曰覩者如何師曰六根俱不到

是諸天上各各天人則是凡夫業果酬答答盡入輪○雲門問陳尚書看法華經是不經中道一切治生產業皆與實相不相違背且道非非想天有幾人退位○雪竇顯上堂僧問如何是時節因緣師云瞌睡漢僧便喝師云詐猩猩復云譬若世界壞時大水競作其間無量衆生或沒未沒互相悲號仰望蒼蒼皆云相救四禪天人一見高聲便喝咄哉衆生我曾預報汝令頻頻上來汝却不聽如今有什麼救處乃拍

手云歸堂

若作聖解卽受群邪○萬松云第一義且置你要聖諦作麼天皇道但盡凡情別無聖解楞嚴道若作聖解卽受群邪只者達磨道廓然無聖石火電光中不妨手親眼辨

一分無常一分常論○世尊因有異學問諸法是常耶世尊不對又問諸法是無常耶亦不對異學云世尊具一切智何不對我世尊云汝之所問皆爲戲論

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

佛弟子卷
普孟昉

首楞嚴經疏解蒙鈔卷末五錄

卷八

海印弟子蒙叟錢謙益集

佛頂宗錄第五

三舉拈偈頌

此中又三○初揔明宗本以一代時教因緣爲宗故○大別拈語句如七徵八還等文○後通明經義不取逐文分配

揔明宗本

涅槃經過去佛所說偈○諸行無常是生滅法。生滅

滅已寂滅爲樂。諸佛所說開空法道。△章安云半偈者但說無常一邊不說常邊。故言半偈有爲三相。何故但明生滅而不言住。四句偈連是故畧之住法不能顯生滅遷謝。但明始終中間宜畧。又云所說空義此偈明無常那得是空。只無常即是空之異名。大品云

無常卽動相。動卽空相。淨名云。不生不滅。是無常義。今亦無常。是不生不滅義。

大智度論阿說示五人爲舍利弗說偈。○諸法因緣是法說因緣。

得初道還報目連亦得初道。今按本經。舍利弗目連皆言是三迦葉說阿難言是老梵志說緣起互異。

○法華文句頌頤亦阿說示此云馬勝答偈。

○諸法從緣生。是故說因緣是法緣及盡我師如是說。

我師大沙門常作如是說。又云。如是滅與生。我師如是說。智證傳云。法華經曰。無上兩足尊知法常無性。佛種從緣起。是故說一乘。永明日。緣起佛種者。報身佛非法身佛也。經以一乘爲言。則寧當分別法報身乎。所謂是法住法位者。馬鳴所言隨順世間種種知故世間之相。旣曰種種則非以本自性而皆從緣起。何哉。知其緣起而無生。即是佛種。聚柏云。一念緣起無生。超彼三乘權學等見。於是頓見迦葉波說偈。

之意。

中論破因緣品偈。○諸法不自生亦不從他生。不共

不無因。是故知一作說。

無生。○釋曰。不自生者。萬物無

有從自體生。必待衆因緣復次。若從自體生。則一法有二體。一謂生。二謂生者。若離餘因。從自體生者。則

無因無緣。又生更有生。生則無窮。自無故。他亦無。何以故。有自故。有他。若不從自生。亦不從他生。共生則

有一過。自生他生故。若無因而有果者。布施持戒等。

應墮地獄。十惡五逆。應當生天。以無因故。○智論云。是義不然。無因則無果。若無因有果者。布施持戒等。

應當爲常。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

如鏡中像。非鏡作。非面作。非執鏡者作。亦非自然作。亦非無因緣。何以非鏡作。若面未到。鏡則無像。以是故。非鏡作。何以無面作。無鏡則無像。何以非執鏡者作。無鏡無面。則無像。何以非自然作。若未有鏡。未有面。則無像。像待鏡。待面。然後有。以是故。非自然作。何以非無因緣。若無因緣。應常有。若常有。若除鏡除面。亦應自出。以是故。非無因緣。諸法亦如是非自作。非彼作。非共作。非無因緣。云非自作。我不可得故。一切因生法。不自在故。諸法屬因緣故。亦非他作者。自無故。他亦無。若他作。則失罪福力。若共作。有一過。自過。

他過。一切諸法必有因緣。是苦樂和合因緣。生前世業。因以實求之。無人作。無人受。空五衆作。空五衆受。○天台止觀云。根塵相對。一念心生。能生所生。無不卽空。妄謂心起。起無自性。無他性。無共性。無無因性。起時。不從自他共離來去。時不向東西南北去。此心不在內外兩中間。亦不常自有。但有名字。名之爲心。是字不住。亦不不住。不可得。故生。卽無生。亦無無生。諸法不自生。那得自境。皆無他生。那得相由境智。無共生。那得因緣境智。無無因生。那得自然境智。當知四取。是生死本。故龍樹伐之。有四取。則有依倚。依倚。

則是非。是非則愛恚。愛恚生一切煩惱。煩惱生故戲論。諍競生。諍競生故起身口意業。業生故輪廻苦海無解脫期。今以不生等破四性。性破故無依倚。乃至無業苦等清淨心常一則能見般若。當觀此一念爲對塵生心爲根塵共生心爲根塵離生心。△若心自生者前念爲根後念爲識爲從根生心爲從識生心。若根能生識根爲有識故生識根爲無識故生識根若有識根識則兼又無能生所生根若無識而能生識謂無識物不能生識根既無識何能生識根雖無識而有識性故能生識者此之識性是有是無有已。是識並在於根何謂無性根無識性不能生識又識性與識爲一爲異若一性即是識無能無所若異還是他生非心自生如此推求畢竟知心不從自生。△若他生者若言心不自生塵來發心故有心生引經云有緣思生無緣思不生若爾塵在意外來發內識則心由他生今推此塵爲是心故生心爲非心故生

心塵若是心則不名塵亦非意外則同自生。又二心並則無能所塵若非心那能生心如前破若塵中有生性是故生心此性爲有爲無性若是有性與塵亦無能所若無無不能生如是推求知心畢竟不從塵生△若共生者若根塵合故有心生根塵各各有心故合生心各各無心故合生心若各各有合則兩心生墮自他性中若各各無合時亦無譬如鏡面各無像故合生像各無像故合生像若各有像應有兩像若各無像合不能生若鏡面合爲一而生像者今實生離若合則無像若鏡面離故生像者各在一方則應有像今實不尔根塵離合亦復如是如是推求知心畢竟不從合生又根塵各有心性合則生心者當檢像此性爲有爲無如前自生中破△若離生者若根塵各離而有生心者此是無因緣生爲有此離爲無此離若有此離還從緣生何謂爲離若無此離無何能生若言此離有性性爲有爲無若性是有還從緣生不名爲離若性是無無何能生如是推求知心畢竟不從離生。智證傳云如來推檢陰入處界一一皆空夫非因卽是不自生非緣卽是不他生非自非他安有和合卽是不共生非自然性卽是非因生四

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

句無生界從何有。○重聞云。龍樹尊者爲被末代人根轉鈍廣作觀法實以推檢四性爲本。正順如來最後垂範。○釋要云。因卽自性計。緣卽他性計。因緣合卽共性計。自然卽無因性計。即是四性觀推檢令見無生諸法若自性生無緣從何生法。如水無風豈自成浪。若云他緣生者。他又焉能自生法。如風無水焉能起波。若云共生。未合各無共時。安有又共涉二邊體屬誰耶。共生尚非無因。豈有此四既空名字亦絕性相執除。三空自顯。○清涼云。外道謂冥性爲自。梵天爲他。微塵和合爲共。自然卽無因。又此四計亦是僧徒衛世若提子勒婆娑也。

中論觀四諦品偈。○衆因緣生法。止觀諸本作因緣所生法我說卽是空亦爲是。亦名爲假名亦是。亦名中道義。○釋曰。衆因緣生法我說卽是空。何以故。衆緣具足而物生。是

物屬衆因緣。故無自性。無自性故空。空亦復空。但爲引導衆生故。以假名說離有無二邊故。名爲中道。○止觀云。今將中觀論合此四番四諦論云。因緣所生法者。卽生滅四諦也。我說卽是空。卽無生四諦也。亦名爲假名。卽無量四諦也。亦名中道義。卽無作四諦也。北齊慧文禪師讀此偈恍然大悟。頓了諸法無非因緣所生。而此因緣有不定。有空。不定。空。空。有不二。名爲中道得一心三智之文。依論立觀智者大師稟承南岳。依三觀立四教。○清涼云。因緣之言通於四教。因緣故生滅。因緣故卽空。因緣故假名。因緣故中道。因緣爲主故。四教皆帶之。又此四教由三觀起。從假入空。桃體異故。有初二教從空入。

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9

假從假入中有別教起三觀一心中得有圓教起

△

山云此之三止卽天台三觀奢摩他卽空觀三摩卽假觀禪那卽中觀龍樹四句偈蓋謂此矣阿難始以三法爲請旣蒙開示至乎領解還以此三而嘆乎佛故曰妙湛摶持不動尊妙湛卽空智也摶持卽假智也不動卽中智也及佛爲富樓那說如來藏本妙圓心非心非空卽心卽空離卽離非三諦炳然如指諸掌及爲阿難說六解一亡而結嘆云是名妙蓮華金剛王寶覺如幻三摩提華開蓮現喻卽中也金剛堅利喻卽空也如幻有形喻卽假也泊文殊簡示圓通亦以此爲喻故曰我承佛威力宣說金剛王如幻不可思議佛母真三昧但以佛母喻中道爲異耳其於諸文中重重演說一一破述或用于空或談于假或顯示中言偏意圓蓋悉具三法也△長水曰見與見緣并所想相卽因緣所生法也如虛空華本無所有我說卽是空也此見及緣亦名爲假名也元是菩提妙淨明體亦名中道義也

掌珍論偈頌○真性有爲空如幻緣生故無爲無有

實不起似空華○清涼云掌珍頌者清辨菩薩所造一論惟釋此偈今按此是楞嚴第五世尊重宣說偈之初頌清涼言清辯造論一論惟釋此偈乃正釋如來所說之偈也此中兩重比量具如蒙鈔

別拈語句

七處徵心○端師子頌云七處徵心心不遂懵懂阿難不瞽地直饒徵得見無心也是泥中洗土塊○東林頌云七處徵心欸便成推窮尋逐案分明都緣家賊難防備撥亂乾坤見太平○北畧簡云吹糠著水翻成特地不因一事不長一智○絕岸湘云七處徵

他天外天毫光直射阿難肩。瞿曇忒殺怜兒切逼得
鮎魚上竹竿。○佛眼遠頌云。善逝明知直不邪。要窮
妄識是空花。故令慶喜推心目。勝相初觀始出家。在
內何緣昧肝胃。相知在外又成老琉璃。比眼還同境。
閉障開明未有涯。合處隨生難定體。根塵兼帶轉達
麻。世間一切都無著。水陸空行作駢瑕。七處無歸全
失措。從茲始得徧河沙。○古德偈云。七處徵心心不
有。心不有處妄元無。妄元無處卽菩提生處涅槃本
平等。

八還辨見○端師子頌云。八還之教垂來久。自古宗

師各分割直饒還得不還時。也是蝦跳不出斗。○東
林顏云。明暗色空不可還。不可還者絕躋攀夾截虛
空成畔岸。一重水隔一重山。○北畧簡云。色空明暗
各不相知。行到水窮處。坐看雲起時。○絕岸湘云。還
還還後更還還。一个閒人天地間。昨夜大蟲遭虎咬。
皮毛落盡體元班。○妙喜果云。佛之一字尚不喜。有
何生滅可相關。當機覩面難回互。說甚楞嚴義。八還
合頌。○紫柏可讀楞嚴七徵八還置卷而嘆。本是
泥裏土塊。何乃衆生顛倒支支離離。鼓粥飯氣頌曰。
七處徵心心。徵心人還辨見見辨見。從教猛風蕩釣

舟一任吹去水清淺。

諸可還者自然非汝不汝還者非汝而誰。○天童減翁上堂舉頌云。不汝還兮復是誰。殘紅落在釣魚磯。日斜風定無人埽。燕子啣將水際飛。咄咄是無等等呢○心

聞賁云。日暖風和景更奇。花花草草露全機。茶糜一陣香風起。引得遊蜂到處飛。○北磵簡云。千山鳥飛絕。萬徑人踪滅。孤舟蓑笠翁。獨釣寒江雪。○破菴祖先偈云。見猶離見非真見。還盡八還無可還木落秋空山骨露。不知誰識老瞿曇。

若能轉物卽同如來。白雲端頌云。若能轉物卽如

來。春煖山花處處開。自有一雙窮相手。不曾容易舞

三臺。

竹庵觀云。若爲物所轉。則不同如來。何故。一切衆生皆證圓覺。此如荆溪所謂一者示迹。元從性變二者示性。令其解述故也。南禪師頌

云。云此老不唯能盡經意。抑且妙得理體。○真如喆

云。若能轉物。卽如來處。處門開見善財花柳巷中。呈舞戲。九衢承醉臥樓臺。○佛心才云。毛呑巨海芥納須彌。乾坤大地直下同歸。一氣不言含有象萬靈。何處謝無私。○徑山杲李叅政轉物菴銘云。若能轉物。卽同如來。咄哉瞿曇。誰諒癡獃物無自性。我亦非有轉者。爲誰徒勞心手。知無自性。復是何物。聳起情塵捫空模骨。此庵無作住者。何人具頂門眼。試辨蹊親。

80 1 2 3 4 5 6 7 8 9 100 1 2 3 4 5 6 7 8 9 100

○此庵應云他人在處我不住他人行處我不行
是與人難共處大都縉素要分明△林泉云是知
頭頭上顯物物上明
唯怕常人不具正眼

吾不見時何不見吾不見之處若見不見自然非彼
不見之相若不見吾不見之處自然非物云何非汝
○雪竇顯頌云全象全牛臂不殊從來作者共名模
如今要見黃頭老刹刹塵塵在半途○佛心才云雲
收空闊天如水月載姮娥四海流慚愧牛郎癡愛叟
一心猶在鵲橋頭○佛鑑懃云說離百非存軌則言
無一法尚筌第毗耶默默曾緘口摩竭寥寥鎮掩扉
○湛堂準云老胡徹底老婆心爲阿難啞意轉深韓

幹馬嘶芳草渡戴嵩牛臥綠溪陰○徑山杲云妙喜
亦有一偈不在湛堂之下荒田無人種種著有人爭
無風荷葉動決定有魚行○紫柏可云蒼龍慣喜臥
重泉領下驪珠愈爍然借問有誰能抉得化爲日月
照山川

見見之時見非是見見猶離見見不能及○鼓山珪
頌云拄杖頭邊無孔竅大千沙界猶嫌少毗婆戶佛
早留心直至而今不得妙○遯菴演云色空明暗本
無因見見猶來亦誤人見不及時猶未嘗那知殃崇
是家親○海印信云見不及處江山滿目不覩纖毫

花紅柳綠白雲出沒本無心。江海滔滔豈盈縮。徑
山果云春至自開花秋來還落葉。黃面老瞿曇休搖
三十舌。傑峰和尚云見見之時非是見石火光中
掣閃電。三冬旱地出蓮花。六月炎天飛雪片。見猶離
見見不及胡餅之中休呷汁。天晴定是日頭紅雨落
必然地下溼。

清淨本然云何忽生山河大地。舉僧問琅琊覺和
尚覺云我則不然。云

云○白雲端頌云混混玲瓏無
背面拈起有時成兩片。且從依舊却相當。免被旁人
來覲見。○佛鑑懃云因風吹火徒爲妙。借手行拳未

足多。清淨本然隨口道。忽生天地與山河。萬松云此喚騎賊馬

題賊奪賊槍殺賊

○天童覺云見有不有。翻手覆手琅琊山

裏人不落瞿曇後。萬松云龍樹摩訶衍論曰一切諸

切因緣故不應有此翻手覆手也琅琊上堂云見聞覺知俱爲生死之因見聞覺知俱爲解脫之本譬如師子返擲南北東西且無定止若也不會且莫幸負釋迦老子此所以不落瞿曇後也。

○紫柏

可云嬰兒失怙久飄零。驀路相逢喚一聲。識得阿娘

腸斷處從教鐵漢淚須傾。

如汝所言清淨本然云何忽生山河大地汝常不聞

如來宣說性覺妙明本覺明妙。○兀庵顏頌云清淨

本然徧法界山河大地即皆現性覺必明認影明眼

耳便隨聲色轉。○北碉簡云彌滿清淨中不容他山河大地萬象森羅。

妙性圓明離諸名相。○七庵顏頌曰一錢爲本萬錢利富不足而貧有餘。換骨奪胎些子藥輸他潘閻倒騎驢。○北碉簡云金盤不可動。轆轤轉難住。停待良久間圓明湛如露。

阿難大衆獲本妙心。○七庵顏云東西南北捉虛空海角天涯信不通。方盡神疲無處覓。萬年松在祝融峰。

狂性自歇歇卽菩提。○長慶獻禪師註楞嚴經說文

云樓子和尚因從街市過。經酒樓下。因整襪帶少在聞樓上人唱曲云。你旣無心我便休。忽然大悟。從此號樓子。○慈受深頌云。唱歌樓上語風流。你旣無心我便休。打着奴奴心裏事。平生恩愛冷啾啾。○本覺一云偶聞清唱發高樓。你若無心我也休。直下狂心能頓歇。從茲演若不迷頭。○寶峰明云。你旣無心我也休。此身無喜亦無憂。飢來喫飯困來睡。花落從教逐水流。○寶華鑑云。你若無心我也休。鴛鴦帳裏懶擡頭。家童爲問深深意。笑指紗牕月正秋。○勾堂仁云。因過花街賣酒樓。忽聞語唱惹離愁。利刀剪斷紅

絲線你若無心我也休。

方悟神珠非從外得。寒山子詩云。昔年曾入大海中。爲探摩尼誓懇求。直到龍宮深密藏。金關鎖斷鬼神愁。龍王守護安身裏。寶劍星寒勿處搜。賈客却歸門內去。明珠元在我心頭。○騰騰和尚一鉢歌云。萬代金輪聖王子。只者真如靈覺是。菩提樹下度衆生。度盡衆生出生死。不死不生真丈夫。無形無相大毘盧。塵勞滅盡真如在一顆圓明無價珠。○石華和尚弄珠吟云。如意珠大圓鏡亦有中人喚作性分身。百億我珠分無始本淨如今淨。日用真珠是佛陀。何勞

逐物浪波波隱顯。卽今無二相。對面看珠識得麼。○融大師頌云。法忍先將三毒共。佛性常與六情俱。但信研心出妙寶。何煩依外覓明珠。

六解一亡。○北畠簡頌云。六用無功信不通。一時分付與春風。篆煙一縷閒清晝。百鳥不來花自紅。○弘庵顏云。根塵縛脫本同源。一處休時六用捐。手把一條紅斷貫。娘生鼻孔一時穿。

緣見因明暗成無見。不明自發。○萬回和尚偈曰。明暗兩忘開佛眼。一云異白兩忘不繫一法出蓮叢。真空不壞靈智性妙用。恒常無作功。聖智本來成佛道。寂光非

照自圓通

佛子金光

智證傳云。緣見因明。暗成無見。不明自發。不爲暗塵之所昏。則佛眼開矣。又曰。餘塵尚諸學。明極即如來。以纖塵未盡。則未至等妙。所以貴不繫一法也。佛眼既開。則不受一法。然寂光非照。故首山絳偈曰。白銀世界金色身。情與無情共。一真明暗盡。時俱不照。日輪午後示全身。午後泊然而化。黑白兩忘之效也。

○達觀和尚舉勘。凝庵居士曰。見暗之見。即是見明之見。師命侍者滅燈。以掌障其面。大喝云。見麼。士罔措示偈曰。枉枉飛來一陣風。燭光觸滅暗塵通。誰知別有通天路。一道神光照不窮。

卽汝一身應成兩佛。○虛堂愚頌。城東老姥云。城東聖姥坐蓮臺。大地衆生正眼開。與佛同生嫌見佛。一

身難作二如來

今此會中阿那律陀等。○汾陽昭六相頌云。見是阿那律。分明無一物。大地及山河。演出波羅蜜。聞是跋難陀。聲通揔。莫過遠近一齊了。更不念摩訶。香是宛伽女。慈悲心徧普。淨穢盡能知。卽此我人母。味是憍梵鉢。甜苦尋常說。入口辨辛酸。恰似當天月。觸是舜。若多善惡揔。能知屠割無嗔喜。祇个似彌陀。意是大迦葉。毗盧供一法。幽室顯然分枝派。千光葉。

如摩登伽宿爲姪女。○紫柏可摩登伽經頌云。怪底

瞿曇老滑頭臨機縱奪有誰儔無端賺殺隣家女嫁與祇園少比丘。

觀世音菩薩成三十二應身獲十四無畏法。○西域那爛陀寺戒賢論師祈觀音文云聞性空持妙無比思修頓入三摩地無緣慈力赴群機明月影臨千闕水。○東坡居士觀世音贊云衆生墮八難身心俱喪失惟有一念在能呼觀世音火坑與刀山猛獸諸毒藥衆苦萃一身呼者常不痛呼者若自痛則必不能呼若其了不痛何用呼菩薩當自救痛者不煩觀音力衆生以二故一身受諸苦若能真不二則是觀世音八萬四千人同時俱赴救。○洪覺範贊云我聞菩薩昔因地所供養佛名觀音從聞思修而悟心心精遺聞而得道見聞覺知不可易譬如西北與東南而此乃曰聞可遺令人惘然墮疑網龍本無耳聽以神蛇亦無耳聽以眼牛無聞故聞以鼻蠻蟻無耳聞以身六根互用乃如此聞不可遺豈理哉彼于異類昧劣中而亦精妙不聞斷況我自在慈忍力無礙解脫獨不然鐘鼓俱擊聲不同知其不同是生滅而二種聲不同參卽是同時寂滅法稽首淨智功德衆廣大莊嚴悲願海閔我心明力不逮時時種子發現行如

人因酒而發狂。戒酒輒復逢佳醞。願滅顛倒癡暗障。
願獲辨才智慧藏。游戲十方微塵刹。亦施無畏利衆
生。凡曰有心能聞者。同入圓通三昧海。○弔庵顏頌
曰。三十二應不思議十四無畏如流水。男子身中入
定時女人身中從定起。○北磵簡云。趁隊選圓通無
端立下風。當時供死歎錯說在聞中。○芙蓉楷上堂
鐘鼓喧喧報未聞。一聲驚起夢中人。圓常靜應無餘
事。誰道觀音別有門。良久云還會麼。休問補陀
岩上客鶯聲啼斷海山雲。○二十五圓通贊。迦葉贊云。然燈續明。奉佛舍利。飾像以
金報德。如是滅定中已證圓通。何故拈花重瞽地。

彌勒贊云。修唯識定。證慈氏尊如風吹水。自然成紋
一生。授記作佛事。三會龍華分不分。咸輝
比丘十地五位。○天聖道禪師上堂拈云。不從一地至一
地。寂滅性中寧有位。釋迦稽首問然燈。仁者何名爲
授記。

遠離依他及徧計執。○傳大士金剛經頌云。妄計因
成執。逃繩爲是虧。心疑生暗鬼。眼病見空花。一境雖
無異。三人乃見著了。茲名不實長馭白牛車。
跋陀婆羅入浴。忽悟水因。○雪竇顯舉古跋陀十六
開士隨例入浴。忽悟水因。諸人作麼生會。他道妙觸。

宣明成佛子住也須七穿八穴始得。頌曰了事衲僧
消一个長連牀上展脚臥。夢中曾說悟圓通。香水洗
來驀面唾。大爲智云。超諸現量卽悟水因體明無
垢。孰云洗塵得無所有了無相身成佛子住妙觸常
存。塗毒策云洗塵觸體兩空寂妙證密圓超見思。
白璧無瑕空受玷圓通會裏受塗糊。范縣君設浴牕
云一物也無洗个甚麼根塵若有起自何來道取一句子玄乃可大家入浴古靈只解揩背開士何曾明心欲證離垢地時須是通身汗出盡道水能洗垢焉知水亦是塵直饒水垢頓除到此亦須洗却。
香嚴鼻觀。莫將尚書謁南堂。靜使其好處提撕。造入廁聞穢氣急以手掩鼻有省。呈偈曰從來姿韻愛

風流幾笑時人向外求。萬別千尋無覓處。得來元在
鼻尖頭。梅花尼偈云盡日尋春不見春。芒鞋踏遍領頭雲歸來笑撲花枝喚。春到枝頭已十分。
汝等一人發真歸元十方虛空悉皆銷殞。尼無著
揅頌云。一人發真歸元十方虛空銷殞試問楊歧栗蓬何似雲門胡餅。△朴翁銘云瞌睡茫茫困思來。喫椀梳濃茶眼便開。四海五湖王化裏更無一物是塵埃。

如世巧幻師幻作諸男女。國清師靜上座覩教中
幻義述偈云。若道法皆如幻有。造諸過惡應無咎。云
何所作業不亡。而藉佛慈興接誘。小靜上座答云。幻
人興幻幻輪圍。幻業能招幻所治不了幻生諸幻苦。

覺知如幻幻無爲
若此妙明真淨妙心本來徧圓如是乃至大地草木
蠕動含靈本元真如卽是如來成佛真體佛體真實
云何復有地獄餓鬼畜生○弔菴顏頌云雙劍峰前
古寺基天尊元是一牟尼時難只得同香火莫聽閒
人說是非○北磇簡云三蛇六鼠一畝之地竿木隨
身蓬場作戲

此等衆生不識本心受此輪迴經無量劫不得真淨
皆由隨順殺盜婬故反此三種又則出生無殺盜婬
有名鬼倫無名天趣有無相傾起輪迴性○弔菴顏

頌云七處精研一妄心更隨三業殺偷婬身心不是
閨家具前箭猶輕後箭深○北磇簡云客舍并州已
十霜歸心日夜憶咸陽無端又渡桑乾水却望并州
是故鄉

無令心魔自起深孽○弔菴顏頌云瞿曇徹底老婆
心見明色發理難任入鄉隨俗那伽定佛魔到此盡
平沉○北磇簡云挽弓須挽強用鎗須用長射人先
射馬擒賊先擒王

貪瞋癡○洞山偈云貪瞋癡太無知賴我今朝識得
伊行便打坐便槌分付心王子細推無量劫來不解

脫問汝三人知不知。○神鼎誣上堂舉云。貪瞋癡實無知。十二時中任從伊行卽住坐卽隨分付心王擬何爲無量劫來元解脫。何須更問知不知。

通明經義但取經義相通不復逐文分配

寶誌禪師大乘讚○妄身臨鏡照影影與妄身不殊但欲去影留形不知身本同虛身本與影不異不得一有一無若欲存一捨一永與直理相疎更若愛聖憎凡生死海裏沉浮煩惱因心有故無心煩惱何居不勞分別取相自然得道須臾夢時夢中造作覺時覺境都無翻思覺時與夢顛倒二見不殊改迷取覺求利何異販賣資徒動靜兩忘常寂自然契合真如若言衆生異佛迢迢與佛常疎佛與衆生不一自然究竟無餘○報你衆生直道非有卽是非無非有非無不二何須對有論虛有無妄心立號一破一个不居兩名由爾情作無情卽是真如若欲存情覓佛將網山上羅魚徒費功夫無益幾許枉用功夫不解卽心卽佛真似騎驢覓驢一切不憎不受者个煩惱須除除之則須除身除身無佛無因無佛無因可得自然無法無人○內見外見揔惡佛道魔道俱錯彼此二大波旬便見厭苦求樂生死悟本體空佛魔何處

安著。只由妄情分別。前身後身孤薄。輪迴六道不停。
 結業不能除却。所以流浪生死。皆由橫生經畧。身本
 虛無不實。返本是誰斟酌有無。我自能爲。不勞妄心。
 卜度衆生。身同太虛。煩惱何處安著。但無一切希求。
 煩惱自然銷落。○十四科頌○聲聞厭喧求靜。猶如
 麵求餅餅。卽從來是麵。造作隨人百變。煩惱卽是
 菩提。無心卽是無境。生死卽是涅槃。貪瞋如焰如影。
 智者無心求佛。愚人執邪執正。徒勞空過一生。不見
 如來妙頂。了達姪慾性空。獲湯鑪炭自冷。○我自身
 心快樂。翛然無善無惡。法身自在無方。觸目無非正。

覺。六塵本來空寂。凡夫妄生執著。涅槃生死本平。四
 海阿誰厚薄。無爲外道自然不用。將心畫度。菩薩散
 誕靈通。所作常含妙覺。聲聞執法坐禪。如蠶吐絲。自
 繩法性。本來圓明。病愈何須執藥。了知諸法平等。翛
 然清虛快樂。○迷時以空爲色悟。卽以色爲空。迷悟
 本無老子。色空究竟還同。愚人喚南作北。智者達無
 西東。欲覓如來妙理。常在一念之中。陽談本非其水。
 渴鹿狂趁。忿忿自身虛假不實。將空更欲覓空。世人
 迷倒至甚。如犬吠雷咷咷。

傳大士行路難。○君不見決定法中無決定。虛妄顛

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

倒是菩提若心分別菩提法分別菩提還復迷。若了此迷無分別。迷與分別卽菩提。分別菩提非一異。恒同一體不相携。安住性空真實性空性無空亦不齋。同體大悲含一切。故知真性不乖迷卽此昏迷卽無性。亦復不論齊不齊。若捨塵勞更無法喻。若淨花生淤泥如來法身無別處。普通三界苦泥犁。三界泥犁本非有。微妙誰復得知蹊。行路難。路難本自是泥洹。內外身心併空寂。顛倒貪瞋何處安。○君不見智人求心不求佛。諸法寂滅卽貪姪。愛欲貪姪從心起。我亦懲心於不心。若也求心復不得。自然無處起貪姪。

貪姪無起亦無滅。顛倒非淺亦非深。又亦不得非貪欲。無得不得妙難尋。三毒性中恒如此。具足常同堅固林。余事貪姪爲佛事。更無三毒橫相侵。若求出離還沉沒。分別出沒還復沉。諸佛善得於三毒。衆生虛妄不能任。我亦勤修三毒性。更不願求諸佛心。行路難。路難心中本無物。無物卽是淨菩提。無見心中常見佛。○君不見文殊妙德非爲遠。三障三毒卽三空。五分法身纏五陰。六入無知爲六通。四倒四果何曾異。八邪八正體還同。七覺菩提性無別。七識流浪會真宗。一切煩惱皆空寂。諸佛法藏在心冒。恒將法忍。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

相隨逐。只自老舛不相逢。諸佛如來住何所。併在貪
姪愛欲中。今勸斷貪姪愛欲。但是方便化童蒙。貪欲
本相真清淨。假說空名。名亦空。行路難。路難。心中非
是心。寄語真修無念士。慎勿分別毀貪姪。○君不見
愛欲貪姪諸佛母。諸佛世尊貪欲兒。從來菩提爲我
匠。今使我爲衆匠師。昔日千端外求佛。佛在衣中今
始知。無量癡心本是道。三毒四倒不思議。虛妄行慈
慾衆苦。不知諸苦是慈悲。瞋恚無明最微妙。世間智
者不能思。昔日辛勤學知見。不知知見自無知。四趣
三塗悉非有。三障三脫不分離。行路難。路難。無有併

俱忘了。知煩惱無生想。即是如來坐道場。○君不見
無上菩提最爲近。四大五陰皆深奧。法性無知不可
虛通若欲知斯殊妙說有漏無漏并
道。但自窮搜五陰叢。其實清淨妙難知。不悟此心真
卒暴和合性中無有實。是故稱爲諸法要於中無妄
亦無真。只用無爲作微妙尋其體寂不應言。假爲衆
生立名號。若知名號即非名解了。衆生知佛教覺知
無因之正因。當得無因無果報善達貪愛得無生無
明去來無動搖。不見聖果異凡情分別聖凡還復倒
若人無願亦無修。必定當爲世間導行路難。路難非
穢亦非淨。是非雙泯復還存。

寒山詩男兒大丈夫作事莫莽鹵徑挺鐵石心直取
菩提路邪道不用行。行之轉辛苦。不要求佛果識取
心王王。○懶殘歌身披一破衲脚著屨生侈多言復
多語由來反相悞。若欲度衆生無過且自度莫謾求
真佛真佛不可見妙性及靈臺何曾受熏鍊。心是無
事心面是嬾生面劫石可動移个中無轉變經云歟即菩提
○龐居士偈曰心如境亦如無實亦無虛有亦不管
無亦不拘不是聖賢了事。凡夫易復易卽此五蘊有
真智。十方世界一乘同無相法身豈有二。若捨煩惱
入菩提不知何方有佛地。○灌溪和尚偈云五陰山
賊虎循聲故致迷良由目無覩。○三平和尚偈云卽
此見聞非見聞雲門舉此偈回視僧曰喚什麼作見聞。無餘聲色可呈
君謂僧曰有甚麼口頭聲色○融大師頌云瞎狗吠茅叢盲人唱

萬法匪緣豈觀如幻。大地山河誰堅誰變地藏問法常說三界唯心萬法唯識乃指庭下片石曰且道此石在心內在心外。眼曰在心內藏曰行脚人著什麼心頭眼無對

○融大師頌云瞎狗吠茅叢盲人唱
賊虎循聲故致迷良由目無覩。○三平和尚偈云卽
此見聞非見聞雲門舉此偈回視僧曰喚什麼作見聞。無餘聲色可呈
君謂僧曰有甚麼口頭聲色○融大師頌云瞎狗吠茅叢盲人唱

80 1 2 3 4 5 6 7 8 9 100 1 2 3 4 5 6 7 8 9

妨分不分。乃曰語是體體是語舉拄杖是體淨。又頌云見聞知覺本非因當體虛玄絕妄真見相不生癡愛業洞然全是釋迦身。○洞山偈云也大奇無情說法不思議若將耳聽終難會眼處聞聲方得知。○法眼偈云見山不是山見水何曾別山河與大地都是一輪月。

復禮法師問天下學士真妄偈云真法性本淨妄念何由起。空卽妄根本何當起也。許妄從真生此妄安可止。若真能生妄卽除真方得妄無初則無末有終應有始。約始終有四句分別一有始無終卽是始終皆起妄念有終有始若約圓融同無始終始

實際四有始有終是一期生死立此理者擬將難法相宗煩惱有終無始無始而有終長懷情茲理。清涼云卽法相事而例難之今云有妄卽真則同無終始若分別說應有四句真理則無終無始妄念則無始有終真智則無終有始皆起妄念有終有始若約圓融同無終始願爲開祕密析之出生死澄觀和尚答云迷真妄念生悟真妄則止能逃非所迷安得全相似。不一不異故如論中海水風波之從來未曾悟故說妄無始知妄本是真方是恒常理分別心未亡何由出生死。意以一念不生前後際念無窮也觀和尚答約真斷不應以念而起于念如不變不礙隨緣方爲契當宗密試答曰本淨本不覺由斯妄念起知真妄卽空知空妄卽止止處名有終迷時號無始因緣如幻夢何終復何始此是衆生

80 1 2 3 4 5 6 7 8 9 100 1 2 3 4 5 6 7 8 9 100 1 2 3 4 5 6 7 8 9 100

原窮之出生死。又人多謂真能生妄。故疑妄不窮盡爲決此理。重答前偈。不是真生妄。妄逃真如起。知妄本自真知。真妄卽止。妄止似終。未悟來似初始。迷悟性皆空。性空無終始。生死由此逃達之出生死。圓覺疏云。妄託真起。說真爲源。現且逃真。真本無妄。結指經文。以成真不生妄之義。此義是佛法中妨難大節。復禮法師所疑。真妄偈於此經。如是迷因。因逃自有識逃無因。妄無所依。尚無有生。欲何爲滅。一章正可釋明。與主峰圓覺鈔引證普賢章亦相符也。

長慶稜頌云。萬象之中獨露身。惟人自肯乃方親。昔

時謬向途中覓。今日看來火裏水。法眼問昭首座。只如萬象之中獨露身。是撥萬象不撥萬象。昭云。不撥眼云兩個。參隨左右皆云。撥萬象。眼云。萬象之中獨露身。嚮。又舉問子

方上座云。喚甚麼作萬象。方云。古人不撥萬象。眼云。萬象之中獨露身。說甚麼撥不撥。○萬松云。此見法眼承言。會宗開發二師之妙。昭方究妙失宗。濁智流轉之過也。○內江界澄曰。如來云。見在汝前。是義非實於萬象中。不能剖出。應卽物所顯矣。僧問趙州。如何是祖師西來意。州云。庭前柏樹子。是則無一物。不播如來之名。無情共說。義在茲矣。又云。此諸物中。何者非見。前以能所。牙奪故除。樹無見。今以能所。牙分故。樹能有見。長慶云。萬象之中獨露身。而法眼舉問是撥萬象。不撥萬象。此辨驗之意也。又曰。若有見者。應有所指。是不撥萬象。若見者。應無所指。是撥萬象。

南泉偈云。虛空問萬象。萬象答虛空。誰人親聞得。木叉。卽角童。○礙處非牆壁。通處勿虛空。若人如是解。心色本來同。

已下一經通頌

雲菴真淨楞嚴偈寄許朝散云十卷楞嚴萬法林法
門開闢被機深。八還四就且除鑽三漸七徵猶鍊金。
見見見時當見性。聞聞聞處要聞心。使君爲物延僧。
請付囑無忘佛正音。琦楚石爲招提德嚴法師講
首楞嚴經說偈一十八首。得道應須廣度生度生。
必使性心明闇浮提有梵天。呪捺落迦無姪欲情。慶
曠劫熏修在力行。外泊虛空內色身。都盧不出此。
心真浮漚未足窮瀛渤。棄指須當認月輪。聽法緣心
非本性掌亭實主。豈游人離聲與色無分別。石上栽

花卉底塵。手開手合寶光飛。左右回觀是阿誰。須
信此頭搖動處。不妨全體寂然時。明心見性無舒卷。
認物隨流妄覺知。無上法王真實語。豈同虛假末伽
梨。波斯匿性未嘗遷。老見恒河似幼年。莫景不須
悲白髮。浮雲終是散青天。來從曠古人何在。去作荒
丘骨已捐劫火洞。然無一物分明父母未生前。七
處微心心不有。八還辨見見元無肇。開秘密千重鎖。
迸出圓明一顆珠。從此聖凡知解絕。有何生死性情。
拘詬頭拈起。知音少。留與人間作楷模。地水火風
空見識徧周法界。本來圓當知實義。非言說妄計因

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

緣與自然起滅無從常住體。麤浮不悟此經詮。衆生那個不成佛。與作當來得度緣。根塵識是如來藏。於一毫端洞十方。大地無時相助發虛空。有口自敷。啟衆生不守真如性。諸佛皆居常寂光。生滅去來。何所礙。鳥飛不盡碧天長。覺明明。覺異還同。畢竟山河大地空演若多心狂自歇。摩登伽女呪難籠。直教根本無明斷便與如來妙理通。三世有爲皆有滅。十虛無始定無終。一六義生圓湛中。一亡盡使六銷鎔。脫粘內伏心非有。勞發前塵性本空。自在浮沉魚出網。無妨去住鶴離籠。根根可用如何說。正與花巾

解結同


良哉二十五圓通。各各熏修不住空證入

法門。雖有異悟明心地。本來同思惟。妙德言尤審。選擇觀音耳最聰。堤畔綠楊新過雨。數聲黃鳥轉春風。斷姪除殺又離偷。成佛難將妄語求。此四律儀持不染。彼諸魔事及無由。道場既立心身淨。神呪弘宣利海周。無量金剛來護法。願將杵碎惡魔頭。八萬四千顛倒想。想爲十二類生因。妙明覺性如開悟。虛妄浮心卽本真。龍鬼天仙紅肉髻。羽毛鱗甲紫金身。誰能靜坐思量看。內外中間絕點塵。三界衆生依食住。永除酒肉斷姪心。相生相殺旣無業。外境外魔。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

終不侵刻骨銘肌除淨戒隨方覩佛奉玄音。瑠璃中
更懸明月。一片光華耀古今。智慧初明欲習乾位。
從四十四心安信初中道純真性灌頂如王付國看。
利行度生心愈曠回真向俗道何寬。欲登十地須加
行行覺重重複又單。吾聞地獄元非有。十習才成
六報來。惡念轉教爲佛福。刀山喝使作金臺。不貪天
上歡娛事。肯受人間愛慾胎。本性彌陀常顯現。蓮花
一朵待時開。十類元從十鬼分。命終報盡復爲人。
十仙徒此短長壽。三界不離生死身。色究竟天居有
頂大阿羅漢出凡塵窮空大道無還處。未免從頭再
入輪。旋消五陰十禪那。十五重重破惡魔。明目不
愁幽暗隔堅冰。爭奈沸湯何。自心了悟非登聖。如水
平流豈異波。直至菩提無少乏。大家稱贊阿難陀。
五陰由來體是虛。五重妄想待銷除。不離本覺妙明
性。要識根元生起初。多劫受熏嗟莫算。六根互用滅
無餘。盈空寶施微塵佛。若比弘經福不如。○紫柏可
示等觀讀楞嚴偈云。十卷楞嚴一柄刀。金牛不見眼
中毛。試將智刃游心馬。積刦無明當下銷。

80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

二一十